

अस कह्यो तुम कत लाज तजि डोलहु पशून समान॥
 एकांत महँ जन जात तिय ढिग जगत रीति प्रमान ॥
 धनुदास कह कर जोरि मैं नाहिँ प्रभु अनंग अधीन ॥
 याके नयनसम नयन नाहिँ ताते भयो मैंलीन ॥
 मैं चलहुँ पथ पट ओट करि कुँभिलात दृगरवि ताप॥
 तब कह्यो यतिपति वचन यह तुम करहु मिथ्यालाप॥
 हमयाहुते सुंदर विलोचन तुमहिँ देव देखाय ॥
 अस कहत गवने रंग गृह धनुदास संग लेवाय ॥
 तनु श्यामसुंदर कंज लोचन दुख विमोचननाथ ॥
 शर मुकुट शोभित पीतपट सायुध कटक वर हाथ॥
 यतिपति कह्यो धनुदास सुनु अस भुवन महँको शोभा॥
 जल रुधिर मज्जा चाम तिय दृग वृथा किय तेहिलोभा॥
 श्रीरंग दरश प्रभाव ते धनुदास को भोज्ञान ॥
 यतिनाथ चरणन हाथ धरि ध्वनि माथ अतिपछितान
 पुनि भयो स्वामी के समासृत गयो छूटि विमोह ॥
 तिय तासु तैसहि ठानि वानि कियो रमापति छोह ॥
 दोहा—यथा राम के होतभे, सेवक पवनकुमार ॥
 रामानुज के होत भे, त्यों धनुदास उदार ॥ ९१ ॥
 छंद—यक काल तहँ यतिनाथ गवने रंगभवन प्रभात ॥
 धनुदास को गहि हाथ पाय प्रसाद बुधि अवदात ॥
 कावेरि करि मज्जन सुदित धनुदास को गहि हाथ ॥
 यति सार्व भौम सुभौन आये सुमिरि रघु कुल नाथ॥
 वैष्णव सकल धनुदास को अति नीच जाति विचारि॥
 युग जोरि कर यति राज सों कह विनय वचन उचारि॥
 यह नीच को कर ग्रहण प्रभु मज्जन किये कस कीन ॥

यह महा अनुचित हमहिं लागत आप धर्म प्रवीन ॥

दोहा—तब रामानुज वचन कह, मंद मंद मुसकाय ॥

सुनहु संत सिगरे कहत, जो मैं हेतु देखाय ॥ ९२ ॥

जाति पांति पूछै नहिं कोई । हरि को भजै सो हरिको होई ॥
जाके विरति विवेक विज्ञाना । सो सब संतन माहँ प्रधाना ॥
नहिं निर्मल होवै तनु धोये । निर्मल सोइ जो विषय विगोये ॥
काम क्रोध मद लोभ विहीना । तिनहिं कहत श्रुतिसंतप्रवीना ॥
पै जो तुव मन शंका आई । तासु हेतु हम देव देखाई ॥
अस कहियतिपतिपूजनकीन्ह्यो । संतन कार्य करन कहि दीन्ह्यो ॥
दिना द्वैक महँ प्रभु परभाता । लख्यो वैष्णवन वसन सुखाता ॥
संचहि वैष्णव एक बोलाई । कह्यो करतरी लै तुम जाई ॥
सब वैष्णवन वसन कछु काटी । ल्यावहु इत राखहु पट सांटी ॥
जानै नहिं कोउ कानहुँ काना । यामें है कछु काज महाना ॥
सो वैष्णवकियजसगुरुभाख्यो । वैष्णव पटन काटि धरिराख्यो ॥
वैष्णव आय लखे पट काटे । एक एकन चोरी हित डाटे ॥

दोहा—महाकलह उपजत भयो, तहँ वैष्णवन समाज ।

कहत परस्पर चोर तुम, पट काटे मम आज ॥ ९३ ॥

यतिपतितदपिबहुतसमुझायो । यदपि न तिनकेमनकछुआयो
तेहिवासर जबपहर निशागै । यतिपति धनुषदास बड़ भागै ॥
कह्यो रंग मंदिर तुम जाहू । गवन्यो सो मन मानि उछाहू ॥
पुनि यतिपति वैष्णवबोलवायो । तिन सबको अस वचनसुनायो ॥
धनुषदास घर जाहु तुरंता । तासु तिया सोवति विन कंता ॥
ल्यावहु भूषण तासु उतारी । जानै निशा नेकु नहिं नारी ॥
धनुषदास गृह वैष्णव आये । लख्यो नारि सोवत सुख पाये ॥
लगे उतारन भूषण ताके । तिय जगि अस गुनि पुनि दृग ढांके ॥

लेत विभूषण साधु उतारी । अहौ भाग्य है जगत हमारी ॥
तन मन धन संतन हित लागै । ताते और कौन बड़ भागै ॥
रही करौंटा जेहि बरनारी । तेहि अंग भूषण लिये उतारी ॥
तब तिय लियो करौंटा बहोरी । जाने संत कही अब चोरी ॥

दोहा—जागि नारिको मानि मन, भागे संत तुरंत ।

लै आये भूषण जहाँ, रामानुज भगवंत ॥ ९४ ॥

तिय उठि तहाँ बहुत पछिताई । अधभूषण किमि दियो बचाई ॥
अभरण अर्ध संत हित लागे । तेई भये आजु बड़ भागे ॥
आधे रहे अंग जे मेरे । वृथा भये दुखदायक हेरे ॥
अस पछिताति बैठि घरमाहीं । वैष्णव जाइ यतीश्वरमाहीं ॥
धरिदीन्ह्यो भूषण घर आगे । तिया चरित्र कहन सब लागे ॥
धनुषदास तब दर्शन लैकै । आइ बैठ गुरुवंदन कैकै ॥
यतिपति कह्यो सुनहुं धनदासा । जाहु निशा आपने अवासा ॥
धनुषदास करि गुरुहि प्रणामा । गयो तुरत मोदित निजधामा ॥
तब यतिपति कह साधुन वानी । जाहु तासु घर परै न जानी ॥
जो पति कहै नारि सों बाता । सो इत आइ करौ आख्याता ॥
धनुषदास जब गे निज ऐना । तब तिय तासु मानि अति चैना ॥
मिली कलश शिर धरि चलि आगे । अर्द्ध अंगके भूषण त्यागे ॥

दोहा—अर्द्ध अंग भूषण विगत, निरखि कह्यो धनुदास ।

कहँ डारयो अभरण प्रिया, ताको करहु प्रकास ९५ ॥

भई धन्य मैं कह अस नारी । भूषण लीन्ह्यो संत उतारी ॥
निशा मध्य इत संत सिधारे । सोवत गुनि आभरण उतारे ॥
तब मैं करवट लीन्ह्यों जागी । जाते सोउ लेई बड़ भागी ॥
तब मोहिं जगी जानि सबसंता । इत ते गये पराय तुरंता ॥
धनुषदास सुनि कह अनखाई । किमि लीन्ह्यो करवट मनभाई ॥

जानि जगी तोहिं संत पराने । लिये न भूषण अर्द्ध डेराने ॥
 संतन कीहै सम्पति सिगरो । लगी न संत हेतु सो बिगरी ॥
 जो तन धन संतन हित होई । स्वारथ परमारथ सति सोई ॥
 अस कहि रहे निशा महुँ सोई । गुरु ढिग चलि वैष्णव सब कोई ॥
 धनुषदासको कह्यो हवाला । भे निहाल यतिपाल कृपाला ॥
 बहुरि वचन वैष्णवन सुनायो । अबहुँ नहिं तुम्हरे मन आयो ॥
 वीता भर पट काटत माहीं । कियो कलह यक एकन पाहीं ॥

दोहा—तुम्हरे शांति विवेक नहिं, वैष्णव नामहि केर ।

धनुषदासको देखिये, जेहि किय नीचनिवेर ॥ ९६ ॥
 तुम चोराय भूषण तेहिं लीन्हों । तापरतिय करवट तन कीन्हों ॥
 तापर धनुषदास किय कोपा । तैं भूषण हित धर्महि लोपा ॥
 संत शिरोमणिहै धनुदासा । जाहि न धर्म हेतु धन आसा ॥
 अस कहि धनुषदास बोलवायो । भूषण दै वृत्तांत सुनायो ॥
 विस्मय हर्ष न किय धनुदासा । गुरुपद सेयो सहित डुलासा ॥
 ते वैष्णव माने अति लाजा । माने सकल वृथा निज काजा ॥
 यहि विधिके धनुदास चरित्रा । अहैं अनेक विचित्र पवित्रा ॥
 रामानुजके गुरु पर धाना । पूर्णाचार्य नाम जग जाना ॥
 तिन इक शूद्र शिष्य निज कीन्ह्यो । पांचहु संस्कार करि दीन्ह्यो ॥
 दीन्ह्यो संत समाज मिलाई । तबहि सबै वैष्णव समुदाई ॥
 पूर्णाचार्यहि निंदन लागे । कहाहिं शूद्र महुँ किमि अनुरागे ॥
 पूर्णाचार्य सुता इक असुला । भक्ति विवेक माहिं सो अतुला ॥

दोहा—सो पितुछै भोजन तज्यो, और ज्ञाति ताजि दीन ॥

तब रामानुज गुरु भवन, गवन प्रमोदित कीन ॥ ९७ ॥
 विनय कियो गुरु सों कर जोरी । शूद्र शिष्य की भइ अति खोरी ॥
 तब पूरण बोले मुसकाई । हम नहिं किय हरि तैं अधिकाई ॥

शबरी विदुर गीध गजराजू । अपनो किय यदुकुल रघुराजू ॥
 जोहरिभक्त शूद्र नहिं सोई । विन हरिभक्त विप्र नहिं होई ॥
 सुनि रामानुज अति सुखपाई । सकल वैष्णवन दियो बुझाई ॥
 सब वैष्णवन भयो परबोधा । दियो त्यागि पूरण पर क्रोधा ॥
 पुनि यतीश निज भवन सिधारे । लख्यो बैठ इक बाउर द्वारे ॥
 गहि कर तासु कोठरी जाई । दै कपाट निज रूप देखाई ॥
 देशक कियो मंत्र उपदेशा । कोटि जन्म कर हरयो कलेशा ॥
 सो वाचाल भयो विज्ञानी । लखिकूरेश उचित नहिं जानी ॥
 रामानुज को दियो ओलम्बा । कीन्ह्यो काह धर्म अवलम्बा ॥
 तब जस पूरण ताहि सुनायो । तिमि यतिपति कूरेश बुझायो ॥

दोहा—सुनि कूरेश लख्यो हरष, गुरुपद वंदनकीन ।

उपज्योजौन विषाद मन, सो सिंगरो तजि दीन ॥९८॥

गोष्ठीपूरण इक समय, दै कोठरी कपाट ।

ध्यानावस्थित तहँ रहे, कियो अचल मन बाट ॥९९॥

रामानुज तेहि समय सिधारी । वंदन करि अस गिरा उचारी ॥
 कहा करौ एकांतहि बैठे । मानहु ब्रह्मानंदहि पैठे ॥
 गोष्ठीपूरण कहत बखानी । सुनु लक्ष्मणदेसुकविज्ञानी ॥
 गुरु स्वरूप कर तो मैं ध्याना । जपौ नाम गुरुमंत्र महाना ॥
 बालक वधिरै अंध जड़ मूका । गुरुप्रसाद भेजा गहि रूका ॥
 गुरुप्रसाद ते ज्ञान विज्ञाना । गुरुप्रसाद ते पद निर्वाना ॥
 गुरुप्रसाद ते विभव बड़ाई । गुरुप्रसाद मिलत यदुराई ॥
 नहिं दुर्लभ कछु गुरु प्रसादा । ऐहिक पारमार्थिक वादा ॥
 जो केवल गुरुपद मन लायो । सो सब धर्म कर्म फल पायो ॥
 भुजा उठाय कहौ यह बानी । श्रुति संहिता पुराण बखानी ॥
 गुरुते अधिक न दूसर देवा । मिलत हरी कीन्हे गुरुसेवा ॥

साधन सकल मूल यह जानौ । गुरुते अधिक देव नहिं मानौ ॥

दोहा—सुनि गोष्ठीपूरण वचन, रामानुज मतिवान ॥

शिष्य दाशरथि आदिकन, कीन्ह्यो यही बखान १०० ॥
यहिविधि रंगनगर यतिराई । वसत भये जीवन गति दाई ॥
जीवउधार भार जगदीश । रंगनाथ धरि यतिपति शीश ॥
आप सदा सुख सोवन लागे । रमावदन बारिज अनुरागे ॥
रामानुज किय शिष्य घनेरे । तासु प्रशिष्य शिष्य बहुतेरे ॥
विचरत महिमंडल सब ठोरा । कीन्हो जीवोद्धार करोरा ॥
यमपुर झूठ नरक भे सूना । भै वसती वैकुण्ठकि दूना ॥
जिमि एकादश व्रत विस्तारी । रुक्मांगद मनुजन दिय तारी ॥
बढीयथा यतिनाथ प्रसंदा । छूटीजन यमलोक आपदा ॥
यमहै दुखित विगत व्यापारा । ब्रह्मासों तब जाय पुकारा ॥
ब्रह्मा रंगनगर को आयो । रंगनाथ को सकल सुनायो ॥
अब यम लोक झूठ भो स्वामी । भये जीव सबपरगति गामी ॥
रामानुज है तारक मूला । तारत प्रतिकूलहु अनुकूला ॥

दोहा—तब विरंचिसों रंगपति, वचन कह्यो समुझाय ।

कियो विनय तुम तासु मैं, करिहौं अवाशि उपाय १ ॥
अस कहि बिदा कियो कर्तार । रंगनाथ अस मनहिं विचारा ॥
सेतुबंध हिमगिरि मधिमाहीं । रह्यो मुक्तिविन कोउजिय नाहीं ॥
कर्म भूमि यह भारतखंडा । तहँरामानुज भयो उदंडा ॥
तारत मनुज मोक्ष मन मूठी । कीन्हो नरक स्वर्ग गति झूठी ॥
है लीला विभूति यह मेरी । लीला करिहौं कहाँ घनेरी ॥
वसुधा और विकुण्ठ महाना । करिदीन्ह्यो यतिराज समाना ॥
ताते अस मैं करौं उपाई । चलै न अब संप्रदा चलाई ॥
अस गुणि रंगनाथ मन माहीं । प्रगट्यो चोलनगर नृपकाहीं ॥

तेहिं कृमि कंठ भयङ्कर नामा । उपज्यो भूप पाप को धामा ॥
 श्याम शरीर नयन विकराला । बालहि तें पहिरचो अधमाला ॥
 मिले सहायक तैसहिंताको । हिरण्याक्ष रावणको नाको ॥
 संत विरोधी जीवन हंता । धर्मधुरा ध्वंसक अधवंता ॥

दोहा—फोरचो देवन मूर्तिबहु, मंदिर दियो ठहाय ॥

बोलि बोलि बहु वैष्णवन, जीवत दियो गढ़ाय ॥ २ ॥

छंद—नहिं सुनत सब श्रुति विष्णु नाम अराम कल्मषकाम
 विजदेशेक बहु बोलि पंडित कहत आठायाम ॥

मम नाम शिव है ताहि ते इक लिखहु सिंगरे पत्र ॥

शिव ते अधिक नहिं दूसरो परमान है सरवत्र ॥

तेहि देशके सब विबुध गण नृप भीतिगुनिलखिदीन ॥

जिनकी रही नहिं जीविका ते द्रुत पलायन कीन ॥

नरनाथ दानाध्यक्ष यक कूरेश शिष्य प्रवीन ॥

सो कीन विनय नरेश सों पंडित सभा मधि दीन ॥

मम गुरू है कूरेश तिनके गुरू हैं यतिराज ॥

बोलवाय दुहुन लिखाइये तौ होय सब विधि काज ॥

नरपति पचास सवार पठयो रंगपुरहि तुरंत ॥

धारिलाव रामानुज कूरेशहि क्षणहु नहिं विलवंत ॥

ते रंगनगर सिधारि अश्वारूढ़ कह्यो पुकारि ॥

कूरेश कह रामानुजौ हम संग चलहिं सिधारि ॥

निज शिष्य को अधिकार गुनि कूरेश कीन पयान ॥

पाछे चले पूरनाचारज नृपति नगर सुजान ॥

तब दाशरथि यतिराज सों यह कह्यो सकल हवाल ॥

नहिंगुन्यो मंगल गवन तिनको जानि नृप चंडाल ॥

कूरेश पूर्णाचार्य दोउ पहुँचे नगर जब चोल ॥

तब रंगपुर महुँ सकल वैष्णव यतिपतिहिंस बोल ॥
 गुरु आपके नहिं रहन लायक रंगपुर यहि काल ॥
 करिहैं उपद्रव अवशि अब नृप चोलपुर चंडाल ॥
 सुनि शिष्य वचन विचारि उचितपयानकिय यतिईश ॥
 तब बोलि नृपाति सवार पकरन चले संग पचीस ॥
 तब वालुका पाढ़े मंत्र दीन्हो शिष्य करि यतिराय ॥
 ते शिष्य सिकताफेंक दिये सवार गये पराय ॥
 तहुँ परचो पथ महुँ महावन भै बात वर्षा चोर ॥
 नहिं लग्यो भोजन योग कहुँ नहिं मिल्यो निवसन ठोर ॥
 षट्पराति लों पथ चलतगे बहु दूरि लों यतिनाथ ॥
 गिरि निकट धूम विलोकितहुँ सब गये गहि गहि हाथ ॥
 तहुँ रह्यो एक अहीरपुर पूछन लगे तहुँ राह ॥
 ते आय वैष्णव देखि कह तुव भवन केहि पुरमाह ॥
 वैष्णव कह्यो हम रंगपुर वासी अहैं यह जान ॥
 तब कह्यो सकल अहीर तहुँ यतिराजकेरमकान ॥
 वैष्णव कह्यो यतिराज को केहिंभांति तुम लियजानि ॥
 ते कह्यो इत एक साधु आये दीन तेइ बखानि ॥
 हम शिष्य हैं तेहिं साधु के ते सो साधु असकहि दीन ॥
 हम दासहैं यतिनाथ के रंगनगर प्रवीन ॥
 तब साधु भिल्लन को दियो रामानुजै देखराय ॥
 ते जानि गुरुको कीयगुरु परणाम शीशनवाय ॥
 मधु अन्न कोदौलाय अपै कियो अति सतकार ॥
 तेहि राति भोजन करि वसे यतिराज मुदित अपार ॥
 पुनि भोर अपनो शिष्य दीन्ह्यो रंगपुरहि पठाय ॥
 यतिराज पहुँचे जाय व्याधापुर विपिन समुदाय ॥

तहँ रही हुजकी नारि चेला नाम की हरिदास ॥
 ताके भवन यतिराज कीन्ह्यों वास सहित हुलास ॥
 सब व्याध मृगया ते बहुरि यतिराज सुनि आगौन ॥
 बहु अन्न तंदुल आदि पठयो ब्राह्मणनके भौन ॥
 गुनि व्याधपुर वैष्णव सकल मान्यो नभोजन योग ॥
 तब कही चेला ब्राह्मणी सब सुनहु ममउतयोग ॥
 दुर्भिक्ष परिगो देशइत हम रंगपुर महँ जाय ॥
 यतिराज शरणागत भइउँदिय मंत्र मोहिं सुनाय ॥
 सो बिसरिगो अब मंत्र मोहिं करि कृपा देहु बताय ।
 यतिराज सुनि द्विज नारि बैन कह्यो अनंदहि छाय ॥
 यह सत्य दासी मोरि सिंगरे करहु भोजन संत ।
 तब रच्यो व्यंजन विविध विधि सो ब्राह्मणि मतिवंत ॥
 गुरु को सविधि पूजन कियो तिमि सकल संतन केर ।
 सब साधु भोजन कियो तोहिं कृत गुन्यो नाहिं कछु फेर ।
 रामानुजौ तोहिं हाथ को भोजन कियो सुख छाय ।
 सो संतको उच्छिष्ट लै निज पतिहि दियो खवाय ॥
 सब संत जूठ प्रभावते तेहि भयो हिय महँ ज्ञान ।
 परभात सो यतिराजके भो शरण सहित विधान ॥
 दम्पति कियो गुरु सहित संतन विविधिविध सत्कार
 रामानुजौ तहँ कियो बहुरि त्रिदंडको अधिकार ॥

दोहा—व्याध ग्रामते यति नृपति, पावक क्षेत्र सिधारि ।

तहँ त्रयवासर वास करि, मथुरा गये सिधारि ॥ ३ ॥
 तहँ कछु काल वास करि स्वामी । मुक्त क्षेत्र गवने शुभ नामी ॥
 तहँ मायावादी मतवारे । ते यतिपतिहि न कछु सत्कारे ॥
 तीन देश इक रह्यो तड़ागा । विमल नीर बंधित चहुँ भागा ॥

कह्यो दाशरथि सों यतिराई । सर तट परहु पाँवपसराई ॥
 दाशरथी तड़ाग तट जाई । परे बोरि जल पद पसराई ॥
 भयो साधुचरणोदक ताला । जे जे पात्र किये तेहिं काला ॥
 ते सब भये विमल मतिवारे । रामानुज के शिष्य उदारे ॥
 धन्य साधु महिमा जग माहीं । पद जल करत शुद्ध सब काहीं ॥
 अंधपूर्ण इक शिष्य सुजाना । तेहि सँग लै यतिवंश प्रधाना ॥
 गये नृसिंहक्षेत्र यतिराई । वसत भये संतन समुदाई ॥
 तहँ इक दिन उपजी अभिलाषा । चोल भूप हरि मत नहिं राखा ॥
 जो राखहि नृसिंह मत अपने । तौ नहिं मिटै चारि युग सपने ॥

दोहा—नरहरि यतिवर चित्त की, आशय जानि तुरंत ।

चोल नृपति पै करत भे, कोप कटाक्ष दुरंत ॥ ४ ॥
 तेहि दिन चोलभूप गलमाहीं । कीरा परे मिटे पुनि नाहीं ॥
 यतिपति गे आये इक ग्रामा । रह्यो ग्राम पूरत द्विज नामा ॥
 शिष्य रह्यो रामानुज केरो । सो कीन्ह्यो सत्कार घनेरो ॥
 वसे तहाँ ले संत समाजा । विठ्ठल देव रह्यो तहँ राजा ॥
 तासु सुता कहँ ब्रह्मपिशाचा । लगे तेहि बहुत नचावहिनाचा
 बहुत मंत्रशास्त्री तहँ आये । कोउ नहिं तासु पिशाच छोड़ाये
 विप्र ग्राम पूरन तहँ आयो । निज गुरु को वृत्तांत सुनायो ॥
 राजा यतिवर को बुलवायो । यतिवर लखन पिशाच परायो ॥
 लाखे यतिपति महिमा नृप भूरी । भयो शिष्य अघ भे सब दूरी ॥
 रह्यो बौद्ध को शिष्य सुजाना । जुरे बौध दश सहस समाना ॥
 डेरा घेरि लियो प्रभुकेरो । वाद कुवाद बकैं बहुतेरो ॥
 शास्त्रार्थ हम सों करि लीजै । तौ पयान अनते कहँ कीजै ॥

दोहा—रामनुज बोले वचन, करहु आपनो वाद ।

उत्तर देब यथार्थ हम, मेटव सकल प्रमाद ॥ ५ ॥

सुनत बौध जन पंचहजारा । द्वै द्वै बदन लगे इकबारा ॥
 तब यतिपति आवरन कराये । आप तासु भीतर महँ आये ॥
 तहाँ बैठिकै वचन उचारा । तब नास्तिक सब कट इकबारा ॥
 तहँ यतिपति भे वचनहजारा । सत्य शेषवपु जगत अधारा ॥
 एकै बार पराजय पाई । गये बौध सब देश पराई ॥
 पुनि सब आय भये शरणागत । रामानुज कीन्ह्यो अतिस्वागत ॥
 पुरजन सहित भूप तेहि काला । निरखिसदस मुखभयोनिहाला ॥
 सिंगरो मिथिला देशहि वासी । भये शिष्य परगतिके आसी ॥
 रामानुज किय देश उधारा । छायो सुयश सकल संसारा ॥
 जनक नगर महँ सहित हुलासा । करत भये कछु वासर बासा ॥
 तहँ तिनको चंदन चुकिगयऊ । संतसमाज शोच अति भयऊ ॥
 संत आय रामानुज नेरे । चंदन चुक्यो वचन अस टेरे ॥

दोहा—यतिपतिहूँ शोकित भये, लखि चंदनकी हानि ।

ध्यायो मन महँ सोच यह, हरिये शारंगपानि ॥६॥

रंगनाथ तब स्वप्ने माहीं । कह्यो जाय रामानुज काहीं ॥
 यादव गिरि महँ वास हमारा । तहँ अब कानन भयो अपारा ॥
 तहाँ मोरि मूरति मनहारी । गड़ी भूमि नहिं परै निहारी ॥
 आय तहाँ तुम लेहु उपारी । तहँ चंदन मिलि है सुखकारी ॥
 तहाँ मोर मंदिर बनवावहु । तामें सोइ मूरति पधरावहु ॥
 तहाँ महाउत्सव करु मोरा । यह यश फैल रही चहुँ ओरा ॥
 ऐसो स्वप्न दीख यतिराई । कह मिथिलेशहि भोर बोलाई ॥
 लै वैष्णवी समाज यतीशा । कियो गवन सँग चलयो महीशा ॥
 गये यादवाचल कछु काला । कटवायो तहँ विपिनविशाला ॥
 रही एक सुंदर पुष्करनी । नीर गँभीर मुनिन मन हरनी ॥
 तहँ मज्जन करि अति अनुरागे । हरि मूरति प्रभु खोजन लागे ॥

विविध थलनमें सो खोजवायो । पै माधव मूरति नहिं पायो ॥

दोहा-तब मनमें चिंता भई, कहैं खोजें प्रभु काहिं ।

व्यापक हैं यह विश्व में, माधव सब थल माहिं ॥७॥

चिंता करत नींद दृग आई । स्वप्न माहिं हरि दियो बताई ॥

गिरि दक्षिण तीरथ कल्याना । तहैं चम्पकके भूरुह नाना ॥

तेहि उत्तर तुलसी तरु एका । तहैं इक बांवी नाहिं अनेका ॥

ताके तर मूरति है मेरी । लेहु भोर यतिनाथक हेरी ॥

तहाँ श्वेत चंदन छवि छायो । श्वेत द्वीप ते खगपति ल्यायो ॥

ऐसो स्वप्न दियो भगवाना । जगि प्रभात यतिवंश प्रधाना ॥

लै सँग वैष्णव भूपहु काहीं । यतिपति गये तौन थल माहीं ॥

तुलसीके तर तुरत खनायो । तहाँ मनोहर मूरति पायो ॥

यतिपति कीन्ह्यो महा उछाहा । मिट्यो सकल उरको दुखदाहा ॥

बाजे बाजन विविध प्रकारा । यतिनाथक दिय दान अपारा ॥

कीन्ह्यो पूजन वेद विधाना । धूप दीप भोगहु स्नाना ॥

उत्तर दिशि तीरथ कल्याना । खन्यो श्वेत चंदन सविधाना ॥

दोहा-बोलि भिल्ल जन दूरिलौ, काननको कटवाय ।

नारायण पद नामको, दीन्ह्यो शहर बसाय ॥८॥

तहाँ महामंदिर बनवायो । गोपुर अतिशय ऊंच करायो ॥

अति उतङ्गतिमि रच्यो प्रकारा । चारु चारि द्वारन विस्तारा ॥

तेहि मंदिर महैं कियो प्रतिष्ठा । यादवनाथक नाम गरिष्ठा ॥

संत समाज समेत यतीशा । कियो वास सुमिरत जगदीशा ॥

काल काल महैं उत्सव करहीं । जोरि जमात जनन सुख भरहीं ॥

याम याम पूजन करवावै । वेद विधान विशेष बतावै ॥

यादव पति मूरति मनहारी । उठै उठाये नहिं वपु भारी ॥

जब यात्राके उत्सव आवै । किमि प्रभुको बाहर लै जावै ॥

उठै न मूरति मनुज उठाई । कौन सकै रथ माहँ चढ़ाई ॥
यात्रा उत्सव खंडित होई । मन आशा पूरै नहिं कोई ॥
यह लखि यतिपति भये दुखारी । नहिं उत्सव मूरति मनहारी ॥
मिलै जो उत्सव मूरति प्यारी । होय तौ यात्रा उत्सव भारी ॥

दोहा—अस विचारि यतिराज मन, कियो रैनमें शयन ॥

तब यदुनायक यतिपतिहि, कह्यो स्वप्न महँ बयन ९
मोरि परम मूरति मनहारी । यात्रा उत्सव योग विचारी ॥
है दिल्लीपति बादशाहके । सोलायक है सब उछाहके ॥
बादशाह जब नौरंगजेवा । चलयो सकोप फोरावन देवा ॥
रूप फोरावत देवन केरा । कियो यादवाचल जब डेरा ॥
रह्यो मंजु मंदिर इत मोरा । कोउ इक साधु रहे यहि ठोरा ॥
बादशाह बहु मूरति भंज्यो । देवालय अनेक तिमि गंज्यो ॥
देखि उपद्रव साधु महाना । मम मूरति हित अति भय माना ॥
बड़ी मूर्ति दीन्ह्यो खनि गाड़ी । शाह सैन्य तहँ गई पछाड़ी ॥
सो मूरति गाड़न नहिं पायो । बादशाह मंदिर फोरवायो ॥
सो मूरति फोरन सब लागा । बरजेहु नहिं मान्यो दुरभागा ॥
रह्यो संग महँ तासु जनाना । लाये मूरति तहँ भट नाना ॥
रही शाह की यक शहिजादी । लखि सो मूरति छवि मरयादी ॥
दोहा—खेलन हित गुणि पूतरी, लियो पिता सों मांगि ।

शाह सहज गुनि देत भो, सो नित खेलन लागि ११० ॥
कियो प्रीति तापर शहिजादी । क्षणहु लखे बिन होति विषादी ॥
भूषण वसन विवध पहिरावै । अपने संगहि माहिं जेवावै ॥
शयन करावति एकहि सेजू । निशिदिन कियो मोर बंधेजू ॥
मैं प्रगट्यो तेहिं प्रीति निहारी । सो मम चरण प्रीति रजु डारी ॥
शहिजादी मोहिं वशकरि लीन्ह्यो । गमन तुरत दिल्लीको कीन्हो ॥

शहिजादी ऐना । बसों अनेकन पावत चैना ॥
तोते बादशाह ठिग जाई । माँगि लेहु मूरति मन भाई ॥
अवशि मोरि मूरति तुम पैहौ । जो म्लेच्छ तेहि मानि नलैहौ ॥
ऐसो स्वप्न लख्यो यतिराई । उठि प्रभात सब संत बोलाई ॥
कह्यो वचन शंकित यतिराई । भवन म्लेच्छ जाय किमि जाई ॥
यह झगरो प्रभु दियो लगाई । काह उचित सब देहु बताई ॥
नाम विष्णु वर्द्धन मिथिलेशा । कह्यो वचन प्रभु तजहु कलेशा
दोहा—दिल्लीको पगुधारिये, लै वैष्णवी समाज ।

जो स्वप्नो तुमको, दियो सोइ करिहैं सब काज ११॥
सकुल संत सम्मत करि दीन्हे । दिल्ली गवन यतीश्वर कीन्हे ॥
संत सङ्ग वसु चारि हजार । मिथिला भूपति सैन्य अपारा ॥
औरहु संत विपुल जुरिआये । दिल्लीको प्रभु सङ्ग सिधाये ॥
दिल्ली जाय यमुनके तीरा । डेरा कियो संतकी भीरा ॥
खोजन लागे एक उसीला । मिलै संत हितकर शुभ शीला ॥
म्लेच्छ पुरी वैष्णव उपकारी । मिलै कौन विधि तहँ नर नारी ॥
शाह समीप जनावन हेतू । बांध्यो यतिनायक बहु नेतू ॥
पहुँची खबरि न शाह समीपा । खड़े रहत जेहि द्वार महीपा ॥
तब यतिनायक मन अकुलाने । साधुन सों अस वचन बखाने ॥
बिन लिय मूरति टरब न टारे । देव प्राण दिल्लीपति द्वारे ॥
चलहु किला लीजै सब घेरी । और उपाय परत नहिं हेरी ॥
संतहु किय सम्मत तेहिं भांती । बीती यही विचारत राती ॥

दोहा—करि मज्जन हरि पूजि सब, वैष्णव होत प्रभात ।

रामानुज सँग चलत भे, शाहै कछु न डेरात ॥ १२॥
चारिहु दिल्लीके दरवाजा । रोंकि लियो वैष्णवी समाजा ॥
आवन जान न पावत कोई । भयो कोलाहल नगर बड़ोई ॥

रहे मुसाहिब बादशाहके । अति समीप वर्ती सलाहके ॥
 ते सुधि पाय शाह ढिग आये । जोरि पाणि अस वचन सुनाये ॥
 हजरत बहुत जुरे बैरागी । एकै दरवाजे केहि लागी ॥
 कहते हैं मरिहैं यहि ठोरा । ना तो दीजै ठाकुर मोरा ॥
 हुकुम होय कर तोपन फैरा । देहिं उड़ाय लखैं अति सैरा ॥
 हुकुम होय मतलब को बूझैं । करिकै कतल हुकुमते जूझैं ॥
 बादशाह सुनि सचिवन बानी । बार बार मनमें अनुमानी ॥
 विहँसि वचन सचिवन सों भाष्यो। गुनि फकीर मन मोरन भाष्यो ॥
 कहौ वचन उनसों अस मेरा । किस बाइस दिछी तुम घेरा ॥
 दौलत मांगें जो बहुतेरी । दै द्रुत विदा करहु तिनकेरी ॥

दोहा—शीशशाह शासन सचिव, धरि करि सपादि सलाम ।

रामानुज ढिग गवन किय, पूछन को तिन काम १३॥

शाह दियो अस हुकुम सुनाई । देहु दुवार कपाट देवाई ॥
 घुसैं न बैरागी पुर धाई । देहु तुरंत तोप फिरवाई ॥
 जो नहिं शासन मानहिं मोरा । करहु फैर तिनपै अति घोरा ॥
 भये बंद दिछी दरवाजा । सचिव गये जहँ रह यतिराजा ॥
 पूछ्यो केहि कारण पुर घेरे । नगर लोग व्याकुल बहुतेरे ॥
 तब यतिराज कह्यो अस बानी । शाह भवन हैं शारंगपानी ॥
 ते ठाकुर प्रिय प्राण हमारे । तिनके हेतु बैठ हम द्वारे ॥
 ठाकुर देहु मँगाय हमारे । चलेजाव हम मौनहिं मारे ॥
 नातो देव द्वार महँ प्राना । यह सिद्धान्त होय नहिं आना ॥
 हय गय धन पटकी नहिं चाहै । और न काज कहैं कछु याहै ॥
 सचिव सुनत रामानुज बानी । गये शाह ढिग विस्मय मानी ॥
 बोले बात शाहसों बयना । हजरत वह फकीर के भयना ॥

दोहा—तेज तासु जालिम जुलम, बेहतर रूपउवाच ।

ठाकुर माँगत आपनो, दीजै कौन जवाब ॥ १४ ॥

शाह कह्यो फकीर जो पूरा । तौ हम लेब तासु पद धूरा ॥
अस कहि शाह सजाय सवारी । रामानुज पहुँ चल्यो सिधारी ॥
कटक छोंड़ि दशपांचमुसाहिब । लैसँगचल्यो सुमिरनिजसगाहिब
देख्यो जाय जबहिं यतिराजा । तेजपुंज मानहु दिनराजा ॥
करि प्रणाम मोहर बहु दीन्हो । दियो अशीश यतीशनलीन्हो
शाह कह्यो घेरे केहिं कारन । जुरे बहुत बैरागी द्वारन ॥
रामानुज तब वचन उचारे । ठाकुर हैं मम भवन तिहारे ॥
शाह कह्यो चलि मंदिर मेरे । लेहु खोजि ठाकुर जे तेरे ॥
एवमस्तु तब कह यतिराई । शाह संग महँ चले तुराई ॥
बादशाह के गये मकाना । शाह मँगाया मूरति नाना ॥
जो जो देशन ते लै आयो । सो सब यतिपति कहँ दरशायो
इन महँ कौन अहै प्रभु मेरा । यह भ्रम भरि यतीश गे नेरा ॥

दोहा—राति स्वप्न तब हारि दियो, हम इनमें हैं नाहिं ॥

शहिजादीके सेजमें, विलसत निशि दिन जाहिं ॥ १५ ॥

शाह सदन यतिराज प्रभाता । जाइ कह्यो निर्भय अस बाता ॥
इन महँ मम ठाकुर हैं नाहिं । तुव शहिजादी के ढिग माहिं ॥
बादशाह अनुचरी बोलाई । शहिजादी समीप पठवाई ॥
शाह हुकुम बोली तहँ चेटी । दे फकीर की पुतली बेटी ॥
कनक रत्न पुतली मन भाई । हम तोहिं देब आन बनवाई ॥
शहिजादी तब कोपित बोली । लेब न पुतली कोटिन मोली ॥
और पूतली लेहि फकीरा । यहि दीन्हें रहिहै नहिं जीरा ॥
शाह समीप आइ सो बांदी । कह्यो सकल जस कहि शहिजादी
शाहबहुत पुनि ताहि बुझाई । मूरति हित चेटी पठवाई ॥

कनक पूतली लाखन लेई । यह पुतली फकीर को देई ॥
ठाकुर मम अस कहत फकीरा । बेटी तजै अयोग जिकीरा ॥
शाह सुता तब वचन उचारा । यह ठाकुर तौ अहै हमारा ॥

दोहा—एक ओर मैं बैठती, एक दिशि रहै फकीर ॥

मूरति मध्य धराइये, जुरै जननकी भीर ॥ १६ ॥

आपहि ते जेहिओर सिधावैं । तेई यह मूरति कहैं पावैं ॥
सुनत शाह दुहिता की वानी । मनमें अति अचरज अनुमानी ॥
यतिपति सों कह नौरंगजेवा । होयजु सत्य तुम्हारे देवा ॥
तौ हम मधि महँ देयँ धराई । जो पहुँ आपहि ते चलि जाई ॥
सांचो देव ताहिको सोई । यामें नहिँ कछु संशय होई ॥
कह रामानुज करि विश्वासा । करहु तैसही जो मन आसा ॥
शाह तुरत बेटी बोलवायो । सभा सदन को यूह जोरायो ॥
करि मूरति सुंदर शृङ्गारा । लिये संगमहँ सखी हजार ॥
अङ्क लिये प्रभु को शहिजादी । आई सभा मध्य अहादी ॥
यतिपति आदिक वैष्णव जेते । जमनी अङ्क निरखि प्रभु तेते ॥
सब अतिशय अचरज मन माने । हरि जमनीके प्रेम लोभाने ॥
दियो मध्य मूरति बैठाई । आप बैठ दूरी पुनि जाई ॥

दोहा—बादशाह बोल्यो वचन, जाको ठाकुर होय ॥

तासु अङ्क चलि आपते, जाय लखै सब कोय ॥ १७ ॥

सब निरखैं मुख मूरति केरो । सबके मन आश्चर्य घनेरो ॥
बादशाह जब कह अस वानी । हरि मति शाह सुता रति सानी ॥
झुनझुन करि नूपुर झनकारी । रेंगि चली मूरति मनहारी ॥
चले नाथ शहिजादी ओरा । कियो कोप तब यतिपति घोरा ॥
निज कर तुरत त्रिदंड उठाई । वचन कह्यो प्रभु कहँ गोहराई ॥
बोरत आजु वेद मर्यादा । पूरुव जौन कियो मुख वादा ॥

मोको तैं लेवाय इत लाये । मध्य सभा हाँसी करवाये ॥
 तेरे उपर त्रिदंडहि टोरी । धोउब तिलक हमैं नहिं खोरी ॥
 तैं जगपति जमनी रस साने । तोहिं आपने काज भुलाने ॥
 अस कहि पटक्यो भूमि त्रिदंडा । भयो कोलाहल सभा प्रचंडा ॥
 मुरकी मूरति सभा मैझारी । रामानुज पहुँ चली सिधारी ॥
 आय बैठिगै यतिपति गोदू । रामानुज पायो अतिमोदू ॥
 दोहा—रहि न गई तनुमें सुरति, नैन बही जल धार ॥

सभा मध्य वैष्णव सकल, कीन्हे जयजयकार ॥१८॥
 प्रेम मगन यतिपति है गयऊ । कछु न वचन मुख आवत भयऊ
 जस तस कै प्रभु अङ्क उठार्है । डेरहिं चले सुमिर यदुरार्है ॥
 भये आज ते सुत श्रीधामा । भो शङ्कत कुमार अस नामा ॥
 वैष्णव करहिं कृष्ण गुण गाना । बादशाह अति अचरज माना ॥
 उठि रामानुज पाँयन परेऊ । बहु विधि सादर पूजन करेऊ ॥
 मुद्रा एक करोर चढ़ायो । मणिमाणिक भूषण पहिरायो ॥
 नौरंगजेब विनय पुनि कीन्ह्यो । नाथ आपको अब हम चीन्ह्यो ॥
 कह्यो शाह सों यतिपति वानी । गमन हेतु मम मति हुलसानी ॥
 हुतहिं यादवाचल अब जैहैं । प्रभु को तेहि मंदिर पधैरहैं ॥
 बादशाह तब कह कर जोरी । जाहु नाथ सुधिराखहु मोरी ॥
 लै ठाकुर अपने सँग माहीं । गमन करहु शङ्का कछु नाहीं ॥
 सुनत रह्यो हरिभक्त अधीना । लख्यो प्रत्यक्ष मलिच्छ मलीना ॥
 दोहा—इत यादवगिरि चलनको, यतिपति भये तयार ॥

उत शहिजादी को चरित, श्रोता सुनहु अपार ॥१९॥
 श्रीसम्पतकुमार जेहिं क्षणते । गे रामानुज अङ्कुश मन ते ॥
 ताही क्षणते सो शहिजादी । कृष्ण विरह वश भई विषादी ॥
 परी सेजमहँ श्वासहि लेती । मानहु तनु तुरंत तजि देती ॥

हापिय हापिय मुख रट लागी । जारत तनु तीक्ष्ण विरहागी ॥
 चेटी बादशाह ठिग आई । शहिजादी की खबरि सुनाई ॥
 बादशाह दुहिता ठिग गयऊ । बहुत भांति समुझावत भयऊ ॥
 बेटी कनकपूतरी केती । रत्नहु की ले भावै जेती ॥
 एक पषाण पूतरी हेतै । कत भोजन तजि भई अचेतै ॥
 शहिजादी बोली तब वानी । सो मूरति मम प्राण समानी ॥
 जीहों तेहि विन मैं क्षण नाहीं । लागत भोजन पान वृथार्हीं ॥
 कीमूरति दीजै मँगवाई । की मोहि दीजै संग पठाई ॥
 पिता तीसरी बात न होई । करौं कसम सुनते सब कोई ॥

दोहा—शाह दुखित उठिकै तुरत, यतिवर डेराजाय ॥

बेटीको वृत्तांत सब, दीन्ह्यो तिन्हें सुनाय ॥ १२० ॥
 तब बोले सकोप यतिराऊ । भयो समाज मध्य सब न्याऊ ॥
 मूरति हम केहू नाहिं दैहैं । तेहि मूरति सँग प्राण पठैहैं ॥
 तब उठि शाह सचिव बोलवाई । सुता प्रसंगाहि दियो सुनाई ॥
 सचिव कहे सुनु शाह सुजाना । तजिहैं विन मूरति सो प्राना ॥
 जो बरवस छोड़ाय तुम लेहौ । तौ फकीर हत्या हाठि पैहौ ॥
 उभय भांति तैं बिगरति बाता । ताते उचित यही दरशाता ॥
 साजु साजि बहु करि सँग बादी । पठौ फकारि संग शहिजादी ॥
 पादशाह सम्मत सो कीन्ह्यो । तुरत मँगाय पालकी लीन्ह्यो ॥
 तामें शहिजादी चढ़वाई । बहु सम्पति दे साज सजाई ॥
 यतिपति निकट सुता पठवायो । सुनि रामानुज विस्मय आयो ॥
 यतिपति डेरा गई शहिजादी । सुख पायो मानहुभै सादी ॥
 शाहसुता विनती अस कीन्ही । मम आयुष मूरतिआधीनी ॥

दोहा—बाबा विन देखे तिनहिं, नाहिं रहिहैं क्षणप्राण ।

गमन करौ भावै जितै, करिहों संग पयान ॥ २१ ॥

बाबा पूजि यथाविधि लेहू । मोर प्राणवल्लभ मोहिं देहू ॥
 सुन्यो महं अपने अस काना । मम पियको तुम सुतकरिमाना ॥
 हौं तुम्हारि अब भई पतोहू । देहु प्राणपति करि अति छोहू ॥
 नतशरीर त्यागन कर पापा । तुमहु पाय पैहौ संतापा ॥
 प्रीति अलौकिक लखि यमनी की । विस्मित प्रीतिमानिनिजफीकी ।
 शाह सुतै सराहि बहु भांती । यतिपति कह मधि संत जमाती ॥
 यमनजाति तैं धन्य कुमारी । भई प्रीति करि कृष्ण पियारी ॥
 तेरे दरश होत अघ दूरी । चलु मम संग कृपा करि पूरी ॥
 श्रीसम्पत कुमार कहँ लीजै । जो भावै सो मनकी कीजै ॥
 लै संपत कुमार शहिजादी । यतिपति संग चली अहलादी ॥
 बादशाह यह मनहिं विचारी । जाति अकेली मोरि कुमारी ॥

दोहा—पांच हजार सवार दै, गज रथ सहित उमाह ।

पठयो कबरू नाम जेहिं, शहिजादा को शाह ॥ २२ ॥
 यतिनायक संगहि शहिजादी । चल्यो सैन्य लै त्यागि विषादी ॥
 चढ़ी पालकी शाह कुमारी । लै सम्पत कुमार मनहारी ॥
 करै जहाँ डेरा यतिराई । आपहु डेरा करै तहाँई ॥
 पूजन हित यतिपति कहँ देती । पुनि मँगाय अपनो पिय लेती ॥
 भोजन पान शयन सब काला । प्रभुसँग करै शाह की बाला ॥
 यहि विधि चलत पंथ महँ दूरी । शाह सुता शंका भै भूरी ॥
 घटिका द्वै पूजन हित लेते । मांगे ते जस तस कै देते ॥
 क्षणभर ओट चोट उर लागै । बिन देखे विरहानलजागै ॥
 कह्यो नाथ सों प्राणपियारा । क्षण भर विरह न होय तुम्हारा ॥
 शाह सुता की प्रीति परेषी । नाथ कह्यो तैं रमा विशेषी ॥
 अस कहि कियो लीन हरि ताको । लखो मुकुंद प्रभाव कृपा को ॥
 क्षुद्र जाति यमनी अघखानी । कियो नाथ तेहि रमा समानी ॥

दोहा—नहिं जप नहिं तप नहिं नियम, नहिं व्रत तीरथ दान ।

केवल प्रीति परेखि कै, रीझत कृपानिधान ॥ २३ ॥

रजनी गवन करै यतिराई । उवत भानु डेरा पर जाई ॥
तेहि प्रभात डेरै जब आये । पूजन हित निज नाथ मैगाये ॥
संत पालकी निकट सिधारे । करिकै विनय ओहार उधारे ॥
देखि परी मूरति भरि सोई । शहिजादी दृग परी न जोई ॥
तब विस्मित यतिपति पहुँ आये । शाह सुता वृत्तांत सुनाये ॥
रामानुज विस्मित अति भयऊ । प्रभु निजलीन कियो गुणलयऊ ॥
शहिजादा सुनि भगिनि हवाला । रोवन लाग्यो भयो विहाला ॥
रामानुज तेहि बहु समुझाई । सँग यादव गिरि गये लेवाई ॥
तहँ संपत कुमार कहँ थापी । कियो महा उत्सव जग व्यापी ॥
जब जब उत्सवके दिन आवैं । तब संपत कुमार कहँ लावैं ॥
अति उत्तंग स्यंदन बनवाई । तेहि संपत कुमार चढ़वाई ॥
यात्रा उत्सव करैं महाई । विविध भांति ते बाज बजाई ॥

दोहा—दीनन दान अनेक विधि, देत यतीश उदार ।

नित नव पट भूषण करत, नित नव हरि शृङ्गार २४

नाथ पियारी जानिकै, शाह सुता यतिराय ।

ताकी मूरति कनककी, अति सुंदर बनवाय ॥ २५ ॥

मंत्र प्रतिष्ठा तासु करि, हरि चरणन मधि माहिं ।

यवन सुता थापित कियो, अबलौं अहै तहाँहिं ॥ २६ ॥

शहिजादी को मैं चरित, वरण्यों युत विस्तार ।

अब शहिजादा को चरित, श्रोता सुनहु उदार ॥ २७ ॥

यतिनायक सँग सो शहिजादा । बस्यो यादवाचल अविषादा ॥

नित नव हरि उत्सव दृग देखै । धरणी धन्य भाग्यनिज लेखै ॥

कछु दिन बसि यादवगिरि माहीं । मांगि विदा यतिनायक पार्हीं ॥

दिल्ली चलयो सैन लै संगी । गुनत मनहिं मन भगिनि प्रसंगा॥
 रामानुज सतसंग प्रभाऊ । भयो म्लेच्छहु शुद्ध सुभाऊ॥
 बादशाह ठिग गे शहिजादा । कीन्ह्यो भगिनी केर विवादा॥
 सुता चरित सुनि शाह सुजाना । हर्ष विषादहु भयो समाना ॥
 रामानुजहि सराहन लाग्यो । बादशाह हरिपद अनुराग्यो ॥
 अंगराग भूषण पट नाना । हाटक भाजन विविध विधाना॥
 पठ्यो यतिपति निकट सप्रेमा । मान्यो तासु कृपा नित क्षेमा॥
 शाह सुवन उर हरिरति बाढी । तासु विछोह दुचितई गाढी ॥
 शहिजादा पितु सों अस भाषौ । अब मोहिं दिल्ली महँ नहिंराखौ
 दोहा—विदा करो यतिनाथ ठिग, जहँ भगिनी पतिमोर ॥

उन बिन इक क्षण नहिं रहौ, सहौ दुसह दुख घोर॥२८॥
 शाह कह्यो सुत जाहु तुरन्ता । जहँ तुम्हारि भगिनी कर कंता॥
 कीन्ह्यो रामानुजसेवकाई । तुम्हरो उभय लोक बनि जाई॥
 शाह चरण शिर धरि शहिजादा । चलयो यादवाचल अहलादा॥
 कबरू जब यादव गिरि आयो । सादर रामानुज बोलवायो॥
 जानि अनन्य दास हरिकेरो । यतिपति कीन्ह्यो मान घनेरो॥
 कछु दिन बसि यादव गिरि माहीं । कबरू कह रामानुज पाहीं॥
 उभय विभूति आपके हाथे । पतित अभय आपहि के माथे॥
 ताते मैं शरणागत आयो । तुम्हरो सुयश भुवन महँ छायो
 जो न मुक्ति मोहिं दियो गोसाईं । तौ तुम्हरो सब कार्य्य वृथाई॥
 रामानुज कह तुव बहनेई । ताके शरण मुक्ति हठि होई ॥
 प्रभु सम्पत कुमार पहुँ जाई । मांगहु गति दीनता देखाई ॥
 शाह सुवन सुनि यतिपति बयना । गो सम्पत कुमारके अयना
 दोहा—कियो विनय करजोरिकै, मैं यदुपति तुव सार ।

अचरज तेहि अब होयबो, यह असार संसार ॥२९॥

शुद्ध भाव हरि तासु विचारी । दीनबंधु प्रणतारतिहारी ॥
 कह्यो प्रत्यक्ष ताहि भगवाना । रंगनाथ कहँ करहु पयाना ॥
 रंगनाथ शासन सुनि लीजै । विनहि विचार विशेषि करीजै ॥
 हरि शासन यवनेश कुमारा । सुनत तुरत श्रीरंग सिधारा ॥
 जाय रंगपुरके दरवाजा । कीन्ह्यो धरन मुक्तिके काजा ॥
 राति स्वप्न दीन्ह्यो भगवाना । सुनु यवनेश कुमार सुजाना ॥
 हम प्रपन्न पावन जग माहीं । बसाहि मुक्ति प्रपन्नहि काहीं ॥
 विन चक्राङ्कित मुक्ति न होई । यह सिद्धांत जान सब कोई ॥
 नीलचक्र नीलाचल माहीं । निरखत मिलति मुक्ति सब काहीं ॥
 जगन्नाथ नगरी तहँ जाहू । सादर महाप्रसादहि खाहू ॥
 अहँ पतित पावन जगदीशा । देहँ तोहि गति नावत शीशा ॥
 कवरू सुनि रंगेश निदेशा । चलयो पुरी सुमिरत कमलेशा ॥

दोहा—जगन्नाथपुर आयकै, पाया महाप्रसाद ।

नाचन लाग्यो द्वार मम, मगन प्रेम मर्याद ॥ १३० ॥
 तासु प्रीति परतीति निहारी । सपने पंडन कह्यो मुरारी ॥
 कवरू को मंदिर के भीतर । लयावहु वेगि विचारि शुद्धतर ॥
 पंडा शाहसुवन कहँ लयाये । कवरू लखि नाथहि सुख पाये ॥
 पुलकित तनु बह नैननि नीरा । रही सुरति नहिं तनक शरीरा ॥
 नाचन लागो हाथ उठार्ई । जय जय दीनबंधु यदुरार्ई ॥
 यहि विधि नित मंदिर महँ जाई । दर्शन करै प्रसादहि पाई ॥
 विचरै पुरी गलेच्छ सुजाना । नित नव प्रेम मगन भगवाना ॥
 एक समय उत्सव अवसरमें । महाभीरभइ हरिमंदिरमें ॥
 महाप्रसाद कोउ नहिं दीन्ह्यो । तब कवरू विचार मन कीन्ह्यो ॥
 रोटी चारिक लेहुँ बनाई । भोजन करि देखों प्रभु जाई ॥
 अस विचारि बनयो कहुँ रोटी । लेपन लाग्यो घृत गुनि मोटी ॥

तासु परीक्षा लेन विचारी । श्राजगदीश श्वान वपुधारी ॥

दोहा—आय अचानक यमन ढिग, लै रोटी प्रभु भाग ।

कवरू के उरलखतही, उपज्यो अति अनुराग ॥३१॥

सब महँ लखत रह्यो जगदीशा । हरिगुनि रह्यो नवावत शीशा ॥

श्वानरूप भगवानहि भायो । पाछे कवरू ले घृत धायो ॥

श्वानहि कह्यो पुकारि पुकारी । कौन हेतु घृत दियो विसारी ॥

भोजन करहु सघृत प्रभु रोटी । विनघृत रुक्ष अहै अति मोटी ॥

श्वान गयो सागरके तीरा । पाछे कवरू गो अति धीरा ॥

मानि अनन्यदास जगदीशा । प्रगट भये प्रभु सहित फणीशा ॥

चारि बाहु पीताम्बर धारी । रूप कोटि मन्मथ मदहारी ॥

कवरू कहँ निज अङ्क उठाई । चूमत बदन आंशु झरिलाई ॥

तब कवरू बोल्यो अस वानी । सत्य पतितपावन हम जानी ॥

हंरि विकुंठ कहँ ताहि पठायो । सो बहु विधि स्तुति मुख गायो ॥

फैलिगई यह जग महँ बाता । भे जगदीश यमन जामाता ॥

पुरवासी यह अचरज देखे । यमनहि महाभागवत लेखे ॥

दोहा—पुर दक्षिण दिशि सिंधु तट, रचे तासु स्थान ।

सो अबलों यात्री लखत, जाहिर सकल जहान ॥३२॥

धन धन है कवरू धरणि, धनि धनि कृपानिवास ॥

की प्रभुकी प्रभुता कहौं, की सेवक विश्वास ॥ ३३ ॥

शाह सुनत सुत सुता हवाला । मानि सुगति नहिं भयो बिहाला ॥

पुनि सम्पत कुमार प्रभु पासा । भेजा विविध भाँति धनवासा ॥

अरु जगदीश समीपहु नाना । मणि भूषण पठयोसविधाना ॥

जब संपतकुमार भगवाना । कियो यादवाचलाहि पयाना ॥

नीच जाति तिन सँग बहुआये । चर्मकार जे जगत कहाये ॥

तिनकी भइ प्रभुपर अति प्रीती । जानि तासु यतिराज प्रतीती ॥

बाँधि दई मय्याद प्रवीनी । वर्षरोज महँते दिन तीनी ॥
 होत महास्नान नाथको । परश होत तब तिनहि हाथको ॥
 यतिपति यादव गिरिपर सुंदर । बनवायो उत्तंक इक मंदिर ॥
 कछु दिन कीन्ह्यो तहाँ निवासा । शिष्य सहित मत करत प्रकाशा ॥
 रंगनगर ते वैष्णव आयो । रामानुज तेहि निकट बोलायो ॥
 पूरणाय्य कूरेश हवाला । पूछन लागे मनहिं विहाला ॥

दोहा—पूरण अरु कूरेश को, भयो जौन विरतंत ॥

अरु चोलहु नृपको चरित, कहे आदि ते अंत ॥३४॥
 पूरणाय्य कूरेशहु दोऊ । चोल नगर गे संग न कोऊ ॥
 चोलराज निज सभा बोलायो । दोहुन को अस वचन सुनायो ॥
 तीनि देव महँको बड़ होई । यह तुम कहहु शास्त्र गति जोई ॥
 तब कूरेश कह्यो सुनु राजा । मोहि बड़ जानि परत यदुराजा ॥
 वामन वपु प्रभु पाँव पसारा । चरण धोय लीन्ह्यो करतारा ॥
 सो जल शम्भु शीश महँ धारत । गङ्गा नाम सकल जग तारत ॥
 तब राजा कह कोपित वानी । तुम बुध अहो युक्ति बहु जानी ॥
 यह लिखि देहु जो मानहु सेवा । शिवते पर दूसर नहिं देवा ॥
 तब हँसि कह्यो वयन कूरेशा । कौन हेतु हम लिखैं नरेशा ॥
 तीनि देव महँ भेद न होई । अंतर्यामी हैं हरि सोई ॥
 शास्त्र पुराण संहिता नाना । वर्णत यहि विधि वेद विधाना ॥
 निज निज इष्टदेव कहँ प्राणी । पूजाहिं सर्वोपरि जिय जानी ॥

दोहा—हम नारायण भक्त हैं, तुम शिव भक्त उदार ॥

तुम निज मति अनुसारहौ, हम निज मति अनुसार ॥३५॥
 जो अस कहौ न शिव पर कोई । शेर कहावत है शिव कोई ॥
 ताते होत अधिक है धारा । यामें कछु नहिं देव विचारा ॥
 राजा मानि वचन परिहासा । किय कूरेश पर कोप प्रकासा ॥

तुरत भटन कहँ शासन दीन्ह्यो । आंखि कढ़ाय दुहुँनकी लीन्ह्यो ॥
 दोनहुँ दीन्ह्यो नगर निकारी । चले रंगपुर अंध दुखारी ॥
 बीच मिले वैष्णव कोउ आई । तिनसों घूरण कह्यो बोलाई ॥
 यक शत पंच वर्ष वय मोरी । नाहिं शरीर राखन मति थोरी ॥
 ताते यहि थल वपुष विहाई । मिलिहौं रंगनाथ कहँ जाई ॥
 अस कहि गुरुपद पंकज ध्याई । यति तनु मिले कृष्ण कहँ जाई ॥
 प्रेत कर्म तिनके सुत कीन्ह्यो । लै क्रूरेश रंग चलि दीन्ह्यो ॥
 सुनि परगति गुरुकी यतिराई । तासु नाम बहु साधु खवाई ॥
 रामायण अरु वेदहु केरो । पारायण कीन्ह्यो बहुतेरो ॥

दोहा—यतिपति तब क्रूरेश को, नयन हीन जियजानि ।

महादुखित मनमें भये, मम सहाय भय हानि ॥३६॥
 पुनि क्रूरेश हवालाहि पृच्छे । मानहु भये सकल सुख छूछे ॥
 तब वृत्तान्त संत सब गाये । जिमि क्रूरेश रंगपुर आये ॥
 नाथ शिष्य अति दुखित तुम्हारा । आयो जबै रंगपुर द्वारा ॥
 द्वारपाल चाकर नृप केरे । जान दियो नाहिं प्रभुके नेरे ॥
 हाकिम हुकुम अहै यहि भांती । रामानुज जन राति विराती ॥
 मंदिर भीतर जान न पावैं । पकरि नगर बाहर करि आवैं ॥
 तिन महँ कोउ कह साधु विचारा । काहे कीजत वारण वारा ॥
 तब क्रूरेश कह्यो मतिरासी । हम यतिनाथ अनन्य उपासी ॥
 गुरु पद पंकज सेव विहाई । नाहिं चाहत हरिकी सेवकाई ॥
 जो मम गुरुको कीन न होई । हरिको कीन होय नाहिं सोई ॥
 अस कहि लौटि लियो सुत नारी । वस्यो जाय वृषभाचल भारी ॥
 सुंदर बाहु तहाँ भगवाना । सेवन लाग्यो सहित विधाना ॥

दोहा—रच्यो चारि स्तोत्र तहँ, मान्यो सुख वसुयाम ।

नेत्र हीनकी तनु विथा, गन्यो न कछु मतिधाम ॥३७॥

दशा देखि यह संत दुखारी । गोष्ठी पूरण निकट सिधारी ॥
 कह्यो वचन शिर धुनि धरणीमें । नाथ दुखी हम नृप करणीमें ॥
 यतिपति यादव गिरि महुँ वसही । पूरणार्थ हरिके सँग लसही ॥
 वृषभाचल कूरेश निवासा । भये सकल हम संत निरासा ॥
 तब गोष्ठीपूरण कह वानी । मेरे वचन लेहु सति जानी ॥
 सुरपति सुवन जयंत अभागा । सीता चरणचाँच हति भागा ॥
 ताहि दंड दीन्ह्यो रघुराई । कस नहिँ दंड चोल नृप पाई ॥
 अस कहि जामुन पद चित लाई । गोष्ठीपूरण वपुष विहाई ॥
 भेदि भानुमंडल तेहिँ काला । गयो जहाँ यदुनाथ कृपाला ॥
 यह वृत्तांत सुनत यतिराई । कह्यो वैष्णवन सों तुम जाई ॥
 कूरेशहि बहु विधि समुझायो । मोरि कुशल सब भाँति सुनायो ॥
 वैष्णव सुनत चले अतुराई । गये रंगपुर वेष छिपाई ॥

दोहा—सुनि कूरेश हवाल तहँ, वृषभाचल को जाय ॥

कूरेशहि यतिराजकी, दीन्ह्यो कुशल सुनाइ ॥ ३८ ॥

नेत्रहीन तुम को सुन्यो, अरु गुरुको परधाम ॥

रामानुज अतिशय दुखित, विकल रहत वसुयाम ३९ ॥

तब कूरेश कह्यो वचन, सुखी जो गुजरत माहिँ ॥

तौ मोहिँ नैन वियोग को, नेसुक दुखहै नाहिँ ॥ १४० ॥

अस कहि किये गुरु सत्कारा । लहो कूरेश अनंद अपारा ॥
 इत कूरेश परमसुख पायो । उत यादवगिरि संत सिधायो ॥
 तिनसों पुनि पूछ्यो यतिनाथा । कहहु चोल भूपतिकी गाथा ॥
 तब यतिपतिसों साधु बखाना । जेहिँ विधि किय यमपुरहि पयाना ॥
 चोल भूप पापिन को राजा । भई पातकी तासु समाजा ॥
 जब कूरेश आँखि निकरायो । पूर्नारज परधाम सिधायो ॥
 विष्णुद्रोह महुँ अति अनुराग्यो । हरिमंदिर फोरवावन लाग्यो ॥

चोल देश हरिमंदिर जेते । दियो ठहाय रहे महि तेते ॥
रह्यो बचा इक रंग विमाना । ताहि ठहावन कियो पयाना ॥
मारग महँ इक दिन अधराता । फूलि उठे आपहि सबगाता ॥
ताके परे कंठ महँकीरा । भये अनेकन वाव शरीरा ॥
कीरावंत पुकारत आरत । मरयो भूप सुखसंत पसारत ॥

दोहा—कुशल क्षेम अब रंगपुर, यतिपति चलहु सिधारि ॥

चोल मरण सुनि संत सब, जय हरि कहे पुकारि ॥४१॥

रामानुज अति आनंद पायो । नरहरिके चरणन शिरनायो ॥
दियो वैष्णवन बहुत इनामा । जे कह भूप गमन यमधामा ॥
हरिमंदिर रामानुज जाई । प्रभुहि जोरि कर विनय सुनाई ॥
हिरणकशिपु अरु हाटक नयना । कुम्भकर्ण रावण बलअयना ॥
राक्षस दानव दैत्य नरेशा । जबजबदीन्ह्यो संत कलेशा ॥
तबतबजेहि विधि हने सुरारी । तेहि विधि चोलहि हने मुरारी ॥
यतिपति वचन सुनत भगवाना । दियो प्रसाद मोद अति माना ॥
पुनि शासन कीन्ह्यो कमलेशा । यतिपति जाहु रंगपुर देशा ॥
अब नहिं तहाँ कछुक दुचिताई । बसहु तहाँ पूरबकी नाई ॥
सुनि हरि दुकुम हर्ष हिय हेरी । चले रंगपुर कियो न देरी ॥
कह वैष्णवन बोलि यतिदेवा । नित संपत कुमारकी सेवा ॥
कीन्ह्यो तनक बीच नहिं परई । सावधान जिमि श्रुति अनुसरई ॥

दोहा—असह विरह सब संत गुनि, रुदन करन तहँ लाग ॥

निज मूरति थाप्यो तहाँ, संत हेतु बड़ भाग ॥४२॥

आये रंगनगर यतिराई । बारह वर्ष विदेश बिताई ॥
आगू लिये रंगपुर वासी । यतिपति निरखि लहेसुखरासी ॥
विविध भौतिके बाजन बाजे । विजन छत्र चामर सब साजे ॥
गयो रंगमंदिर यतिराई । रंगनाथ कहँ शीश नवाई ॥

स्तुति कीन्ह्यो विविध प्रकारा । आंखिन बही अम्बुकी धारा ॥
 रंगनाथ कर पाय प्रसादा । आये भवन सहित अहलादा ॥
 सुनि कूरेश यतिनाथ अवाई । आयो वृषभाचल ते धाई ॥
 लखि कूरेश यतींद्र दुखारी । मिले विलोचन ढारत वारी ॥
 कह कूरेश वचन गुरुपार्हीं । मम अपराध और कर नहीं ॥
 यतिपति कह मोरे अपराधा । जाते तुम पाई अस बाधा ॥
 कहत परस्पर दोउ यहि भांती । आय भवन निवसे तेहिराती ॥
 यतिपति देखन देश निवासी । आवत भये मानि सुखरासी ॥

दोहा—करि प्रणाम बोले वचन, चित्रकूट नृप चोल ॥

हरिमंदिर नाइयो अमित, दैअधर्म कर ढोल ॥४३॥
 तहँ गोविंदराज भगवाना । फेंकन चाह्यो उदधि महाना ॥
 तहँ तिछा तिय विरचि उपाई । लै गोविंद मूरत पहिराई ॥
 व्यंकट शैल माहिं तेहिथाप्यो । भूपति भीति देश सब काँप्यो ॥
 सुनि यतिपति व्यंकटगिरिआये । श्रीगोविंद विधि युत बैठाये ॥
 व्यंकटनाथ दरश पुनि लीन्ह्यो । गवन सत्य व्रत क्षेत्रहि कीन्ह्यो ॥
 यतिपति बहुरि रंगपुर आये । सब संतन अति आनंद छाये ॥
 तहँ कूरेशहि निकट बुलाये । अंध विलोकि महादुखपाये ॥
 कूरेशहि बोले यति राई । हरि स्तुति विरचौ मनलाई ॥
 मन बाँछित देहँ भगवाना । दास दरनदुख दयानिधाना ॥
 देहँ दृग संशय कछु नहीं । यह भरोस हमरे मनमाहीं ॥
 तब कूरेश कह्यो मुसकाई । अवदृग होव मोहिं दुख दाई ॥
 दिव्य नैन मोहिं दिय श्रीधामा । लखौं नाम लीला वपुधामा ॥

दोहा—है न नयन की चाह चित, देखन विषय विलाश ।

दिव्य दृगन देखत रहौं, प्रभुको चरित प्रकाश ॥४४॥
 गुरुकह करु स्तोत्र विशेषी । मम शासन अवश्य उर लेखी ॥

तब स्तोत्र रच्यो कूरेशा । भयो प्रसन्न सुनत कमलेशा ॥
 दिय कूरेश दिव्य विज्ञाना । लख्यो त्रिलोक वस्तुविधिनाना ॥
 प्रभु कहँ तब स्तोत्र सुनाई । पुनि कूरेश गुरू ढिग आई ॥
 विनय कियो गुरूसों शिर नाई । दिव्य नयन दीन्ह्यो यदुराई ॥
 लै कूरेश शिष्य समुदाई । कांचीपुरी गये यतिराई ॥
 वरदराजकी स्तुति कीन्ह्यो । माँगहु वर अस हारे कह दीन्ह्यो ॥
 तब कूरेश कहत अस भयऊ । जो मोहि चोल निकटलैगयऊ
 तेहिं भागवत लग्यो अपराधा । ताहि दया करि करहु अवाधा
 एवमस्तु हारे कह्यो सराही । परउपकारी तोहिं सम नाहीं ॥
 सो वृत्तांत सुनत यतिराई । कूरेशहि बोले अनखाई ॥
 माँगन नेत्र तुमहि हम कहेऊ । तुम औरहि हरिसों बरलहेऊ
 दोहा—वरदराज तब स्वप्न में, कह्यो यतीशहि आय ।

हैंहैं दृग कूरेशके, तब दुख जई नशाय ॥ ४६ ॥
 तब कूरेशहि होत प्रभाता । प्रगटे नैन सरिस जलजाता ॥
 रामानुज अति आनंद पायो । बहुरि रंग पुरको पुनिआयो ॥
 पुनि सतघट अरप्यो नवनीता । धन्नीपुर पुनि गये पुनीता ॥
 तहँ बट पत्र शयन भगवाना । दर्शन कीन्ह्यो सहितविधाना ॥
 गोदांवाके दर्शन लीन्ह्यो । कुरका नगर गवनपुनिकीन्ह्यो ॥
 बीच मिली इक विप्र कुमारी । यतिपति तासों गिरा उचारी ॥
 कुरकापुरी अहै कति दूरी । कही कुमारित्यागि भय भूरी ॥
 सहसगीत शठ रिपु कृत जोई । भूली नाथ तुमाहिं का सोई ॥
 अस कहिसहस गीतपढ़ि दयऊ । रामानुज सुनिविस्मितभयऊ ॥
 रामानुज तेहिं गये अगारा । सो कीन्हो बहुविधिसत्कारा ॥
 यतिपति तेहिं उपदेश्यो ज्ञाना । लह्यो कुटुम्बसहितनिर्वाना ॥
 पुनि कुरकानगरीमहँ जाई । आदिनाथ हरिके शिर नाई ॥

दोहा-पुनि अमिली तरु तर गये, शठरिपु पद शिरनाय ।

इन सम नहिं कोउ दूसरो, असकहि सवाहिं सुनाय ॥ ४६ ॥
 शैलपूर्ण सुत निकट बोलाई । श्रीशठकोप रचित मन भाई ॥
 सहस गीत तेहिं दियो पठाई । अपनो पुत्र गन्यो यतिराई ॥
 रामानुज पुनि रंग निवासा । आवत भे करि सुयशप्रकासा ॥
 पुनि हरिविमुखनविविधप्रकारा । हरि शरणागत कियो अपारा ॥
 वसे रंगपुर शिष्य समेतू । जीवन ज्ञान भक्ति रति हेतू ॥
 आचारज सब यतिपति सेवा । करहिं यामवसु गुनि निज देवा ॥
 आठ और शत शिष्य प्रधाना । गने को और शिष्य सहसाना ॥
 सकल शिष्यमिलिहरिगुरुदासा । कीन्ह्यो इक स्तोत्र प्रकासा ॥
 दिव्यजाति कीन्ह्यो नहिं भाषा । लिख्यो ग्रंथ जस तस इत राखा

श्लोक-इति ध्रुवं विनिश्चित्य यतिराजपदाम्बुजम् ॥

अष्टोत्तरशतैर्दिव्यैर्नामभिर्भक्तितत्परः ॥ १ ॥

नित्यमाराधयंस्तस्थौ इष्टदेवमिवादरात् ॥

रामानुजः पुष्कराक्षो यतीन्द्रः करुणाकरः ॥ २ ॥

कांतिमत्यात्मजः श्रीमाँल्लीलामानुषविग्रहः ॥

सर्वशास्त्रार्थतत्त्वज्ञः सर्वज्ञः सजनप्रियः ॥ ३ ॥

नारायणकृपापात्रः श्रीभूतपुरनायकः ॥

अनघो भक्तमंदारः केशवानंदवर्द्धनः ॥ ४ ॥

कांचीपूर्णप्रियसखः प्रणतार्तिविनाशनः ॥

गुण्यसंकीर्तनः पुण्यो ब्रह्मराक्षसमोचकः ॥ ५ ॥

यादवापादितापार्थवृक्षच्छेदकुठारकः ॥

अमोघो लक्ष्मणमुनिः शारदाशोकनाशनः ॥ ६ ॥

निरंतरजनाज्ञाननिर्मोचनविचक्षणः ॥

वेदांतद्वयसारज्ञो वरदाम्बुप्रदायकः ॥ ७ ॥

पराभिप्रायतत्त्वज्ञो यामुनांगुलिमोचकः ॥
 देवराजकृपालब्धषड्वाक्यार्थमहोदधिः ॥ ८ ॥
 पूर्णार्यलब्धसन्मंत्रः शौरिपादाब्जषट्पदः ॥
 त्रिदंडधारी ब्रह्मज्ञो ब्रह्मध्यानपरायणः ॥ ९ ॥
 रंगेशकैकर्यरतो विभूतिद्वयनायकः ॥
 गोष्ठीपूर्णकृपालब्धमंत्रराजप्रकाशकः ॥ १० ॥
 वररंगानुकंपी च द्राविडाम्नायसागरः ॥
 मालाधरार्यसुज्ञातद्राविडाम्नायतत्त्वधीः ॥ ११ ॥
 चतुःसप्ततिशिष्यार्यः पंचाचार्यपदाश्रयः ॥
 प्रपीतविषतीर्थाभः प्रकटीकृतवैभवः ॥ १२ ॥
 प्रणतार्तिहराचार्यो दत्तभिक्षैकभोजनः ॥
 पवित्रीकृतकूरेशभागिनेयत्रिदंडकः ॥ १३ ॥
 कूरेशदाशरथ्यादिचरमार्थप्रदायकः ॥
 रंगेशवैकटेशादिप्रकाशकृतवैभवः ॥ १४ ॥
 देवराजार्चनरतो मूकमुक्तिप्रदायकः ॥
 यज्ञमूर्तिप्रतिष्ठाता मन्नाथो धरणीधरः ॥ १५ ॥
 वरदाचार्यसद्भक्तो यज्ञेशार्तिविनाशकः ॥
 अनंताभीष्टफलदो विट्ठलेशप्रपूजितः ॥ १६ ॥
 श्रीशैलपूर्णकरुणालब्धरामायणार्थकः ॥
 प्रवृत्तिधर्मैकरतो गोविंदार्यप्रियानुजः ॥ १७ ॥
 व्याससूत्रार्थतत्त्वज्ञो बौधायनमतानुगः ॥
 श्रीभाष्यादिमहाग्रंथकारकः कलिनाशनः ॥
 अद्वैतमतविच्छेत्ता विशिष्टाद्वैतपालकः ॥
 कुरंगनगरीपूर्णमंत्ररत्नोपदेशकः ॥ १९ ॥
 विनाशिताखिलमतः शेषीकृतरमापतिः ॥

पुत्रीकृतशठारातिः शठजिह्णमोचकः ॥ २० ॥
 भाषादत्तहयग्रीवो भाष्यकारो महायशाः ॥
 पवित्रीकृतभूभागः कूर्मनाथप्रकाशकः ॥ २१ ॥
 श्रीवैकटाचलाधीशशंखचक्रप्रदायकः ॥
 श्रीवैकटेशश्वशुरः श्रीरमासखदेशिकः ॥ २२ ॥
 कृपामात्रप्रसन्नार्यो गोपिकामोक्षदायकः ॥
 समीचीनार्यसच्छिष्यः सत्कृतो वैष्णवप्रियः ॥ २३ ॥
 कृमिकंठनृपध्वंसी सर्वमंत्रमहोदधिः ॥
 अंगीकृतांघ्रपूर्णार्यः शालिग्रामप्रतिष्ठितः ॥ २४ ॥
 श्रीभक्तग्रामपूर्णार्यो विष्णुवर्द्धनरक्षकः ॥
 बौद्धध्वांतसहस्रांशुः शेषरूपप्रदर्शकः ॥ २५ ॥
 नगरीकृतवेदाद्रिर्दिल्लीश्वरसमर्चितः ॥
 नारायणप्रतिष्ठाता संपत्पुत्रविमोचकः ॥ २६ ॥
 संपत्कुमारजनकः साधुलोकशिखामणिः ॥
 सुप्रतिष्ठितगोविंदराजः पूर्णमनोरथः ॥
 गोदाग्रजो दिग्विजयी गोदाभीष्टप्रपूरकः ॥
 सर्वसंशयविच्छेत्ता विष्णुलोकप्रदायकः ॥ २८ ॥
 अव्याहतमहद्वर्त्मा यतिराजोजगद्गुरुः ॥
 एवंरामानुजार्यस्य नाम्नामष्टोत्तरं शतम् ॥
 यः पठेच्छृणुयाद्वापिसर्वान्कामान्समश्नुते ॥ २९ ॥
 यदांघ्रपूर्णैर्न महात्मनेदं स्तोत्रं कृतं सर्वजनावनाय ॥
 तज्जीवभूतं भुवि वैष्णवानां बभूव रामानुजमानसानाम् ॥ ३० ॥
 इति श्रीरामरसिकावल्यां रघुराजसिंहजूदेवकृतायां श्रीप्रपन्नामृते रामानु
 जाचरिते रामानुजाष्टोत्तरशतनामवर्णनं चतुःपंचाशोऽध्यायः ॥

अष्टोत्तर शत यतिपति नामा । पाठकरत पूरत सब कामा ॥
यतिपति शिष्य सकल मतिधामा । पै वर आंध्रपूर्ण जेहि नामा ॥
एक समय सब कियो पयाना । यतिनायक ताको पछि आना ॥
दोहा—नारायण मंत्रहि जपत, निरख्यो निज गुरुकार्हि ।

तुव प्रभु ते मम प्रभु न लघु, अस बोल्यो गुरुपाहिं ४७
इष्टदेव यदुनाथ तुम्हारे । इष्टदेव यतिनाथ हमारे ॥
फेरि रंगमंदिर इक काला । गुरु कहैं लखि हरि नैन विशाला ॥
आंध्रपूर्ण कह मम गुरु नैना । तिनकी छवि कछु कहत बनैना ॥
आंध्रपूर्ण कर लखि गुरुनेमा । यतिपति कियतापर अति प्रेमा ॥
निज उच्छिष्ट दियो तेहिकाहीं । लियो खाय कर धोयो नाहीं ॥
गुरुते अधिक देव नहिं जान्यो । इष्टदेव अपनो गुरुमान्यो ॥
पय औटावत महँ इक काला । कढेरंगपति विभव विशाला ॥
रामानुज कह कीजै दरशन । आंध्रपूर्ण कह नहिं अवसरक्षण ॥
जो मैं रंगदरश कहैं जाऊं । गुरुहित गोरस तुरत नशाऊं ॥
इक दिन ज्ञाति बंधु के आये । आंध्रपूर्ण नहिं मिलन सिधाये
जब वे जात भये घर बाहीं । आंध्रपूर्ण आये घर काहीं ॥
जानि अवैष्णव पात्रन फोरयो । ज्ञातिन ते सनेह नहिं जोरयो ॥

दोहा—अंतकाल आयो जबै, आंध्रपूर्ण मतिवान ।

बोलि वैष्णवको तुरत, तिनसों कियो बखान ॥ ४८ ॥
मोर शरण यतिपति चरण, ऐसो कह्यो पुकारि ।
जै यतिपति अशरणशरण, बोले संत विचारि ॥ ४९ ॥
रामानुज पद कमल में, करि मन मुदित मिलिद ॥
आंध्रपूर्ण तनु तजि भयो, श्रीवैकुण्ठ वसिंद ॥ ५० ॥

इति श्रीरामरसिकावल्यांकादशोऽध्यायः ॥ ११ ॥

दोहा—रामानुज को कोउ रह्यो, शिष्य सु नाम अनंत ।

वसत रह्यो व्यंकट सहित, हरिके कर्ज करंत ॥ १॥

व्यंकटगिरि के उपर मनोहर । रामानुज इक रह्यो सरोवर ॥
ताहि अनंत खनावन लागे । व्यंकट चारु चरण अनुरागे ॥
खनि मृत्तिकासहित निज नारी । शिर धरि देहि बाहिरे डारी ॥
दंपति करहि परीश्रम भारी । औरहु आये परउपकारी ॥
तेऊ धर्म मानि खनि माटी । शिर धरि डारहि बाहर पाटी ॥
रही सगर्भ अनन्तहि दारा । ताहि परचो भ्रम ढोवत भारा ॥
गुरु तड़ाग हरि की सेवकाई । मानि तियातनु सुधि बिसराई ॥
यह लखि करुणानिधिभगवाना । अपनो बालरूप निरमाना ॥
तुरत अनंत नारि ढिगआई । माटी ढोवन लगे अतुराई ॥
खनि अनंत तिय हरि कहँ देही । फेंकि अनंत सो पुनि शिर लेही
अतिशय शीघ्र फेंकि हरि माटी । यहि विधि प्रीति रीति उदघाटी ॥
अति आतुरता तिय की देखी । तब अनंत पूछ्यो भ्रम लेखी ॥

दोहा—तुम माटी उत फेंकि कै, आवहु इत अतुराय ॥

ताको कारण कौन है, दीजै वेगि बताय ॥ २ ॥

तब नारी पति सों कह वानी । इक बालक आवै छाबिखानी ॥
सो माटी मम करसों लेकै । आवै फेंकि त्वरा अति कैकै ॥
तब अनंत मन माहि विचारा । है सांचो वसुदेव कुमारा ॥
दीन दयानिधि अस को दूजो । जाको पदपंकज विधि पूजो ॥
अस विचारि मन माहि अनंता । धायो धरन तुरत श्रीकंता ॥
विप्रहि धावन आवत देखी । भागे हरि प्रगटबनिज लेखी ॥
बोले तब अनंत पछि आने । बचिहो नहि यदुनाथ पराने ॥
विघ्न करहु मेरी सेवकाई । नारिन जानति तोरि ढिठाई ॥
प्रविशे भवन भागि भगवाना । खनन लग्यो पुनि विप्र सुजाना ॥

एक समय तुलसी बन माहीं । लेन गये तुलसीदल काहीं ॥
तहँ अनंत कहँ सर्प सतायो । मनमहँ विप्र भीति तहिँ लयायो
तेहि विधि लग्यो करन सेवकाई । तब कोउ संत कह्यो तेहिँ आई
दोहा—बोर भुजंग तुम्हें डस्यो, ताको करहु उपाय ।

मंत्र यंत्र अरु तंत्रहू, औषधि अवशि मँगाय ॥ ३ ॥
तब अनंत बोले मुसकाई । जो विष प्रबल होयगो भाई ॥
तौ तनु तजि वैकुंठ सिधारब । तहँ हरि पद सेवन विस्तारब ॥
हरिकै कर्ज प्रबल यदि होई । तौ डारी अहिको विष खोई ॥
अस कहि लगे करन सेवकाई । गयो भुजंगम गरल पराई ॥
एक समय अनंत मतिवाना । अवधपुरीको कियो पयाना ॥
चिउरा दही बाँधि पट माहीं । उतरे कहँ पथ भोजन काहीं ॥
तामें चढ़ी पिपीलिक आई । संत कह्यो फेंकहु कहँ जाई ॥
तब अनंत बोले मुसकाई । वारण करत मोहिँ रघुराई ॥
अस कहि व्यंकटगिरि फिरि आये । तहँते रामचरण शिरनाये ॥
एक समय अनंत मतिवाना । रहे करत माला निरमाना ॥
तहँ कोउ हरिको पूजक आयो । कह्यो तिनहिँ हरि तुमहिँ बोलायो ॥
मालारचन त्यागि नहिँ गवने । रचि माला पुनि गे हरि भवने ॥

दोहा—हरि प्रत्यक्ष तिनसों कह्यो, कत मम शासन टारि ॥
तुम नहिँ आये ताहिते, दे हैं तुमहिँ निकारि ॥ ४ ॥
तब अनंत बोले तेहिँ ठोरा । मोहिँ निकासन तुमहिँ न जोरा ॥
मैं गुरु शासन को शिर धारी । तिहरो सेवन करहुँ मुरारी ॥
भक्त हेतु वैकुंठ बिहाई । तुम जग महँ विचरहु सब ठाई ॥
सदा रहौ भक्तन रुख राखे । कबहुँ न निज दासन पर माखे ॥
मोपर है यतिपति कर जोरा । तिनहीं पै प्रभु शासन तोरा ॥
हम गुरुभक्त भक्त नहिँ तुम्हरे । गुरु तजि दूसर ईश न मेरे ॥

नहिं कछु जोर पराये चाकर । गुनिहौ अव अस काकर काकर॥
 लखि अति दृढ़ गुरुभक्ति मुरारी। भे प्रसन्न तापर अवहारी ॥
 यहि विधिके जग करन पवित्रा। अहैं अनंत अनंत चरित्रा ॥
 अब कूरेश विकुंठ पयाना। श्रोता सकल सुनहु दै काना ॥
 एक समय कूरेश विज्ञानी। गयो रंगमंदिर छवि खानी ॥
 तासों कह्यो प्रत्यक्ष मुरारी। माँगहु जो मन लियो विचारी॥

दोहा—तब अति मंजुल मधुर पद, रचि अनेक श्लोक ॥

रंगनाथ सों किय विनय, ह्वैकै विश्व विशोक ॥ ५ ॥

जो प्रसन्न मोपर भगवाना। तौ करि कृपा देहु निरवाना ॥
 और आश नहिं कछु मन मोरे। यहि लगि लागि रह्यो पद तोरे॥
 रंगनाथ तब वचन उचारा। अहै परमपद तुव अधिकारा ॥
 जाहु विकुंठ अवशि शठ द्रोही। यतिपति शपथ न वारव तोही॥
 शिष्य प्रशिष्य मुक्त सब तेरे। तोहिं कौन विधि कौन निवेरे॥
 तब कूरेश मानि मुद भारी। नाचत गयो निवेस सिधारी ॥
 रामानुज सुनि हरिको शासन। वसन उड़ाय लगे तहँ नाचन॥
 बोलि वैष्णवन कियो बखाना। दिय वरदान आजु भगवाना॥
 शिष्य प्रशिष्य हमारे ह्वैहैं। ते सब अवशि विकुंठहि जैहैं ॥
 गे कूरेश निकट यतिराई। कियो प्रणति कूरेशहु आई ॥
 दियो मंत्र शरणागत काना। विरह विचारि बहुरि विलखाना॥
 पुनि बहु वचन भाषि यतिनाथा। धरि कूरेश पीठि पद हाथा ॥

दोहा—रामानुज निज भवनको, गवन कियो दुखमानि ।

तब कूरेश कह्यो वचन, तनय तिया निज आनि॥ ६ ॥

रंगनाथ पूजन कह्यो, गुरु सेवों सब भांति ।

इष्टदेव मानत रह्यो, श्रीवैष्णवकी जाति ॥ ७ ॥

अस कहि पग तिय अंक धरि, शिर सुत अंक निधाय

गुरुपद चित कूरेश दै, बस्यो परमपद जाय ॥ ८ ॥
 जेहिं विधिरामानुज मुख वरणी। करी तथा विधि सुत सब करणी॥
 भट्टारज कूरेश कुमारा । तेहि रामानुज तुरत हँकारा ॥
 गये रंग मंदिरहि लेवाई । तहँ प्रत्यक्ष बोले यदुराई ॥
 पिता सोच मत करहु पियारे । मैंहीं हों अब पिता तिहारे ॥
 रंगवचन सुनि यतिपति वंदे । गये भवन ले सुतन अनंदे ॥
 पुनि कूरेश पुत्र दोउ भाई । गोविंदहि सौँप्यो यतिराई ॥
 पुनि सुमिरतमन अंतर्हामी । बसे रंगपुर यतिगण स्वामी ॥
 रंगनगर नायक इक काला । बोले वचन विचारि विशाला ॥
 जे रामानुज मत महँ ऐहैं । ते सायुज्य मुक्ति नर पैहैं ॥
 व्यंकट नायक यतिपति बोली । कह्यो गिरा यह जगत अतोली ॥
 उभय विभूति नाथ तुम भयऊ । जीवन तारि परमपद दयऊ ॥
 फैली बात सकलसंसार । सो सुनि एक गोपकी दारा ॥
 बेंचन दही रंगपुर आई । तब कोउ यतिपतिशिष्यसिधाई ॥

दोहा—लै दधि रामानुज भवन, आयो मोल न लीन ।

रही बैठि सो द्वार में, धन हित मन नहिं कीन ॥ ९ ॥
 रंग दरश हित जब यतिराई । कढ़े द्वार शिष्यन समुदाई ॥
 कह्यो पुकारि अहीर कुमारी । दहीमोल दीजै सुखकारी ॥
 यतिपति कह्यो मोल का लैहै । जो कछु उचित वित्त सों पैहै ॥
 गोपसुता कह धन समुदाई । मैं नहिं लेहों हे यतिराई ॥
 दही मोल मैं मुक्ति लेउँगी । नातो यतिपति जीव देउँगी ॥
 तब यतिनाथ कहा मुसकाई । है नारायण परगतिदाई ॥
 हमरी दीन नहीं दैजाती । तैं भजु माधव को दिन राती ॥
 तब अहीर कन्या कह वानी । देहु पत्रिका मोहिं गति दानी ॥
 मैं पत्रिका देहु हरिकाहीं । दैहै गति कछु संशयनाहीं ॥

तब यतिपति निज कर लिखि पाती । दीन्ही गोपसुतै मुदमाती ॥
 लै पत्रिका अहीर कुमारी । व्यंकटगिरि को सपदि सिधारी ॥
 दीन्ह्यो व्यंकटनाथहि पाती । प्रभुपत्रिका बाँचि गति दाती ॥
 दोहा—गोपसुता कहँ बोलि द्रुत, सो पाती शिरधारि ।

तुरत परमपद दीन तेहिं, निज जन वचन विचारि ॥ १० ॥
 यज्ञमूर्ति इक पंडित भारी । गयो रंगपुर विजय विचारि ॥
 यतिपति यज्ञ मूर्ति अविषादा । दिवस अठारहि किय संवादा ॥
 यज्ञमूर्ति शास्त्रार्थ न हारयो । तब यदुपति यतिनाथ सँभारयो ॥
 यज्ञमूर्ति को स्वप्नहि आई । हरि कह जिते न तोरि भलाई ॥
 रामानुज शरणागत होहू । तो छूटिहै तोर मद मोहू ॥
 यज्ञमूर्ति उठि तुरत प्रभाता । पकरयो यतिपति पदजलजाता ॥
 भयो समासृत वाद विहाई । दीन्ह्यो परगति तेहिं यतिराई ॥
 ऐसे चरित अनेकन देखी । तब वैष्णव अचरज मन लेखी ॥
 नगर नगर महँ जोरि समाजा । भाषत सदा चरित यतिराजा ॥
 एक समय तहँ दीनदयाला । ठाकुर सुंदर बाहु विशाला ॥
 कह्यो स्वप्न महँ बोलिपुजारी । लीजै यतिपति शिष्यहँकारी ॥
 पूजक सब वैष्णवनबोलाये । रामानुज शिष्यहि भरि आये ॥

दोहा—तब हरिसों पूजक कहे, और न आये कोह ।

यतिपति गुरुके शिष्य जे, रहते अति मद मोह ॥ ११ ॥
 तब पूजकन कही हरि वानी । लेहु सत्य एसो तुम जानी ॥
 जस दशरथ हैं पिता हमारे । तस यतिपति के गुरु अपारे ॥
 स्वप्ने महँ सुनि नाथ रजायी । विस्मित लै पूजक समुदायी ॥
 कोउ वैष्णव तहँ मंदिर आयो । सुंदर बाहु प्रभुहिं शिरनायो ॥
 कह अपराध सहस मैं भाजन । बोले ताहि सिंधुजा साजन ॥
 रामानुज सम गुरु तिहारे । दया अनल अपराधनजारे ॥

तबते श्रीवैष्णवमत केरी । यह मय्यादा चली घनेरी ॥
जो कोउ रामानुज मत आवै । सो पापिहु परगति कहँ पावै ॥
श्रीकुरंग नगरी भगवानै । यतिपति कियो शिष्यसविधानै
हैगै विश्व विदित यह बाता । यक रामानुज परगति दाता ॥
औरहु पूर्वाचार्यन केरी । कहहि संत इत कथा घनेरी ॥
औरहु रामानुज आख्याना । श्रोता सकल सुनहु दै काना ॥
दोहा—एक समय यतिवृंद प्रभु, गुरुदर्शनके हेत ॥

पूर्णाचारजके भवन, जात भये मति सेत ॥ १२ ॥
पूर्णाचारज यतिपति देखी । कियो प्रणाम गुरू निज लेखी ॥
पूर्णाचार्य सुता तब गायो । यह अनुचित मेरे दृग आयो ॥
तब पूर्णार्य कह्यो सुनु हेतू । कोउ न अधिक सम है यतिकेतू ॥
पुनि पूर्णार्य सबन सुनाई । बोले वचन महा मुद छाई ॥
सब के गुरु रामानुज अहहीं । शठकोपादिक अस सब कहहीं ॥
ताते इनहिं कियो परणामा । इनमें सब श्रुति अर्थनिग्रामा ॥
को रामानुज अस जगमाहीं । मम नैनन दीसत कोउ नाहीं ॥
मंत्र रत्न गुरु इनहिं सिखायो । कह्यो न कोहुसों अस समुझायो ॥
रामानुज चढिकै दरवाजा । ऊंचे स्वर टेरयो मनु राजा ॥
गुरु कह अति अनर्थ तैं कीन्ह्यो । सबको मंत्र सुनाय जो दीन्ह्यो ॥
रामानुज तब वचन उचारा । सुनहु गुरू मैं जौन विचारा ॥
मंत्रराजको अस परमाना । लहै परमपद परै जो काना ॥
दोहा—मोहिं नरक वरु होहि हठि, पै जो पारिजन कान ॥

ते जीवनको परमपद, हैहै अवशि निदान ॥ १३ ॥
भये अकेल नरक जो मोरे । लहै परमपद जीव करोरे ॥
तौ नहिं नाथ हानि कछु मेरी । ताते कह्यो मंत्र मैं टेरी ॥
ऐसी सुनि रामानुज बाता । गह्यो गुरू इन पद जल जाता ॥

इनके पाँचहु गुरु नामके । एई सबके गुरु अकामके ॥
 सुनि पूर्णारज की अस वानी । सिगरे शिष्य सत्य करि जानी ॥
 ऐसेय तिपति चरित अनेका । कैसे कहूं जीह मुख एका ॥
 औरहु सुनहु चरित सब श्रोता । पूर पियूष पयोनिधि सोता ॥
 भयो कोउ द्विज कुल इक मूका । जो दृग संज्ञा ते नहिं चूका ॥
 भो विय वर्षसो अंतर्द्धाना । कांची वासिन नाहिं देखाना ॥
 बिते वर्ष विय प्रगट भयो सो । भाषन लाग्यो वचन नयो सो ॥
 पुरवासी अति अचरज माने । ताहि घेरि अस वचन बखाने ॥
 मिटी मूकता केहि विधि तोरी । अबलों रहे वसत केहिं ठोरी ॥

दोहा—तब लाग्यो वर्णन करन, मूक सो पूरुव केर ॥

श्वेतद्वीपको में गयो, तहँ हरि पार्षद ढेर ॥ १४ ॥

रामानुज सब वर्णन करहो । आपुस महँ सब मुद उर भरहो ॥
 विष्वक्सेन मुख्य हरिदासू । जाय विश्व महँ परम प्रकासू ॥
 रामानुज अस नाम धराई । उद्धारत जीवन समुदाई ॥
 अस कहि सो जन तहाँ विलान्यो । कांचीजन अचरज अति मान्यो ॥
 औरहु रामानुज कछु गाथा । श्रोता सुनहु नाइ तेहि माथा ॥
 एक ब्रह्मराक्षस वन माहीं । लागत रह्यो बटोहिन काहीं ॥
 निकसे रामानुज तेहि राहू । लग्यो आय सो वैष्णव काहू ॥
 जन रामानुज ढिग ले आये । कह यतिपति केहिं हेतु सताये ॥
 कह्यो ब्रह्मराक्षस गति दीजै । शरणागत गुनि उधरन कीजै ॥
 तेहि अष्टाक्षर नाथ सुनाई । दियो तुरत वैकुण्ठ पठाई ॥
 यह यादव प्रकाश सुनि गाथा । नायो यतिपति के पद माथा ॥
 नाम बालस्वामी इक संता । नगर नगर सो कहत फिरंता ॥

दोहा—रामानुज के शरण विन, मोक्ष उपाय न आन ॥

सो सुनि जन यतिपति चरण, गहे लहे निर्वाण ॥ १५ ॥

देवराज रामानुज चेला । नगर नगर कीन्ह्यो सो हेला ॥
 अगणित जनन सुमंत्र सुनाई । दियो परमपद तुरत पठाई ॥
 कोउ कूरेश शिष्य अज्ञानी । वैष्णव निंदा विविध बखानी ॥
 सो सुनिकै कूरेश सिधाई । माँग्यो गुरु दक्षिणा छिपाई ॥
 सो वाणी गुरुदक्षिण दीन्ह्यो । ह्वै पुनि मूक वास घर कीन्ह्यो ॥
 एक समय देख्यो कोउ दीना । गुनि उपकार वचन कहि दीना ॥
 पुनि मनमहँ कीन्ह्यो पछिताऊ । मैं प्रण कियो न बोलहुँ काऊ ॥
 किय अनशन व्रत मानि गलानी । आयकूरेश कह्यो तेहि वानी ॥
 तजहु वानि जो परअपवादा । करहु सदा गुरुगुणगणवादा ॥
 सो सुनि निज गुरु मुखके वैना । तजि अनशन व्रत पायो चैना ॥
 एक समय कावेरी तीरा । भई सकल साधुनकीभीरा ॥
 तहँ कूरेश कह्यो सब पाहीं । गुरुते पर नारायण नाहीं ॥

दोहा—गुरु पदपंकज सेव विन, मुक्ति लहै नहिं कोय ।

योग ज्ञान वैराग्य तप, साधन कोटि करोय ॥ १६ ॥

एक समय कोउ नास्तिक आयो । सभा मध्य अस प्रणहिसुनायो
 शास्त्रार्थ महँ जो जय पावै । तेहि जो हारै कंध चढ़ावै ॥
 कियो दाशरथि तेहि सँग वादा । पायो विजय शास्त्र मर्यादा ॥
 दांशरथिहि सो कंध चढ़ायो । संत अंगपरशि ज्ञानउरआयो ॥
 तेहि प्रणाम करि माँग्यो ज्ञाना । दिय उपदेशसो पद निर्वाणा ॥
 कोउ इक संत शास्त्र पढ़िआयो । शास्त्र पठन को गर्वदेखायो ॥
 तेहिं लोकाचारज भट्टारज । कह्यो शास्त्र को गर्व तुर्त तज ॥
 सो तजि गर्व भयो शरणागत । गर्व विनाशत सोवत जागत ॥
 कोउ आचार्य कुरकापुर माहीं । गयो साधु कोउ पाढ़िवे काहीं ॥
 पढ़्यो भाष्य तिनसों त्रयबारा । पुनि पूछ्यो छूटन संसारा ॥
 तब आचार्य कह विन गुरुसेवा । मिलै न मोक्ष भजे बहु देवा ॥

कोउ संत नारायण पुरमें । भाष्य प्रचारचो धर्महि धुरमें॥
दोहा—विद्यावान महान भो, सो चेला बहु कीन ।

कोउ शिष्य पूछत भयो, मोक्ष मार्ग परवीन ॥ १७॥
सो कह भाष्य पढ़ै गुरु सेवै । तब संसृत तजि परगति लेवै॥
कोउ वरद विश्वार्य नामके । भये अचार्य सुबुद्धि धाम के ॥
ते बहु शिष्यन शास्त्र पढाये । भक्तिमार्ग बहु भाँति बताये ॥
शिष्य सकल पूछैं तिन पाहीं । केहि विधि सहज परमपद जाहीं॥
तब कीन्हो प्रपत्ति उपदेशा । ते कह यहि महँ बड़ो कलेशा॥
तब गुरु कह सुनु सुलभ उपाई । कीजै रामानुज सेवकाई ॥
याते मुक्ति उपाय न आनी । गुरु सेवत का कर भयहानी॥
शिष्य सुलभ गुनि मुक्ति उपाई । गुरुपदमें किय प्रीति दृढ़ाई ॥
यहि विधि चौहत्तर परधाना । रामानुज के शिष्य सुजाना ॥
अपने अपने शिष्यन काहीं । यही कियो उपदेश सदाहीं ॥
यहि विधि जगत विभयपरकाशी । यतिपति लसैं रंगपुर वासी ॥
जिमि बहु हरि अवतारन माहीं । दश अवतार मुख्य कहि जाहीं॥
दोहा—दश अवतारन माहँ जिमि, त्रय अवतार प्रधान ।

यदुपति रघुपति नरहरी, जिन जग यश सित भान॥ १८॥
अधम जाति गुरु नाथनिषादा । तासों करी मित्र मर्यादा ॥
धूरि जटायु जटा निज झारे । शबरीसों अति नेह पसारे ॥
लंका तिलक विभीषण सारे । कपि सुकंठ कहँ सखा उचारे॥
शरणागत रक्षण प्रभु कीन्ह्यो । ताते मुख्य रूप गुणि लीन्ह्यो॥
कीन्ह्यो कृष्ण अहीर मितार्ई । लीन्ह्यो बहु भय तिनहिँ बचाई॥
कियो श्रिदाम सुदाम मितार्ई । कुविजै दीन्ह्यो रमा बड़ाई ॥
दूत सूत भे पांडव केरे । गुरुद्विज तनय मृतक पुनिहेरे॥
तजि दुर्योधन घर पकवाना । विदुर शाक खायो भगवाना ॥

कृष्ण समान दीन हितकारी । कतहुँ मोहिं नहिं परै निहारी ॥
कियो आर्त रक्षण यदुराई । लही सकल वपु विशद बड़ाई ॥
श्रीप्रह्लाद भक्त के कारण । प्रगटे खम्भ फारि खलदारन ॥
तामें दश अवतार प्रधाना । नरहरिहूको वेद बखाना ॥

दोहा—तैसाहि सब आचार्य मधि, श्रीशठकोप प्रधान ।

सहस गीत हरि सुयशमय, किय अपने मुख गान ॥ १९ ॥
जिमि आचारज मधि शठदेखी । तिमि रामानुज शिष्य विशेषी ॥
सहस गीत सब वेदन सारा । तासु सार श्रीभाष्यउचारा ॥
जिमि मुनि गण नारद गनिजार्हीं । सुरगणमहँ गोविंद वर आहीं ॥
रामानुज तिमि भक्त शिरोमनि । करिउपदेशकियो मुनिजनधनि ॥
जो नाशै अज्ञान आँधियारे । हरि पद नेह प्रकाशपसारे ॥
सो गुरु कहवावत जग माहीं । कौडी हेतु होत गुरुनाहीं ॥
परब्रह्म गुरुकहँ सब जानौ । परगति हेतु गुरुकहँ मानौ ॥
पर विद्या गुरु गुरु पर धन है । मुक्तिहेतु गुरु पद दृढ़ मन है ॥
माता पिता सखा प्रिय भ्राता । गुरुते अधिक न कोउ जगजाता ॥
पूर्वाचार्य्य कहे सब वाणी । रामानुज करिहँ कल्याणी ॥
सो प्रगट्यो रामानुज आई । दिय वैकुंठ सोपान लगाई ॥
रंगनगर महँ तहँ इक काला । धनुषदास कह बुद्धि विशाला ॥

दोहा—रामानुज आचार्यवर, देहु मुक्ति हमकाहि ॥

शरणागत हम रावरे, तुमहिं छोड़ि कहँ जांहि ॥ २० ॥
रामानुज कह सुनु धनुदासा । मुक्तिलहन में संशय नासा ॥
जो हमको हरि परगति देहँ । तौ मम शिष्य सकल गति पैहँ ॥
जिमि लंकेश अनुज द्रुत धाई । परचो शरण महँ पद रघुराई ॥
शरण विभीषण एकहि भये । राक्षस चारि संग तरिगये ॥
ऐसेहि जे संतन पद सेवें । तिनको हरि हठि परगति देवें ॥

श्रीसंप्रदा माहिं जे ऐहैं । अधी अनेक परमगति पैहैं ॥
 सुनि वाणी सब संत समाजा । माने सकल भये कृत काजा ॥
 नाहिं गति पद विराग विज्ञाना । गुरु सेवन दायक निर्वाणा ॥
 यहि विधि वितरत मनुजन ज्ञाना । पावन करत अपावन नाना ॥
 साठि वर्ष यतिराज हुलासा । कीन्ह्यो रंगनगर महँ वासा ॥
 साठि वर्ष लौं तिमि यतिराई । भूतपूरिमहँ वसे सुहाई ॥
 धरणी उदै अस्त पर्यता । यतिपति कीरति भई वसंता ॥

दोहा—एक समय यतिराज प्रभु, मन महँ किये विचार ॥

शत अरु विंशत वरष हम, रहत भये संसार ॥२१॥
 अब विकुंठ कहँ करैं पयाना । उचित न आयु मुलंघि प्रमाना ॥
 रंगनाथ कह स्वप्ने आई । अबै रहो कछु दिन यतिराई ॥
 पुनि२ विनय कियो यतिराजा । अब न रुचत मोहिं जग कर काजा ।
 एवमस्तु तब हरि कहि दीन्ह्यो । तब यतिराज विनय अस कीन्ह्यो ॥
 मम संप्रदा माहिं जे आवैं । ते जन पापिहु परगति पावैं ॥
 एवमस्तु कह रंगअधीशा । किय बहुवार प्रणाम यतीशा ॥
 बोलि शिष्य गण बैठि निवेशा । कियो बहत्तर विधि उपदेशा ॥
 तीनि दिवस लगि यतिगण नाथा । दै उपदेशहि कियो सनाथा ॥
 शिष्य सकल सुनि यतिपति वानी । लीन्ह्यो निज सरवस धन मानी
 सो यह सर्व संत सिद्धांता । सार सकल शास्त्रन वेदांता ॥
 याते अधिक धर्म कछु नाहीं । इतनो करतव संतन काहीं ॥
 इतनोई कीन्हे संसारा । मिलत मनुज वसुदेव कुमारा ॥

दोहा—सो मैं भाषावद्ध यह, करतो सकल बखान ॥

श्रोता श्रद्धा सहित तुम, सुनहु सबै दे कान ॥ १ ॥

प्रथम अहै उपदेश यह, जिमि निज गुरु सत्कार ॥

तिमि सब संतनको करै, जन उपकार अपार ॥ १ ॥

दूजो जिमि सब संतजन, कन्ह्यो धर्म प्रकाश ॥
 तामें इंद्रिय वश रहित, करै विशेष विश्वास ॥ २ ॥
 तीजो हरि जस गुनि रहित, पढ़ै न शास्त्र पुरान ॥
 हरि यश लीला ग्रंथ जे, पढ़ै सुनै मतिवान ॥ ३ ॥
 चौथो लहि गुरुपद कृपा, भयो जो भक्ति विज्ञान ॥
 विषय विवश पुनि होय नहिं, करै सयुग हरि ध्यान ४
 पांचौ विषय समान सब, गुनै सदा हरिदास ॥
 स्वर्गहु ते संसार लौं, विषय वासना नास ॥ ५ ॥
 छठौं यथा हरि नामके, कथन करै जन प्रीति ।
 तैसहि संतन नाम में, करै प्रीति परतीति ॥ ६ ॥
 सातौं भगवत मिलनमें, कारण संत सनेह ।
 ताते संत कहैं यथा, करै सो तजि संदेह ॥ ७ ॥
 आठौं हरि हरि जनन को, सेवन करै न त्याग ।
 भगवत भागवतहुनकी, सेवा तजब अभाग ॥ ८ ॥
 नवयों संतन सेवको, सब साधन फल जान ।
 संत सेव साधन गनब, यह पूरो अज्ञान ॥ ९ ॥
 दशयों कहि तुम संत को, कबहुँ बोलावै नहिं ।
 रौरे आप कहै सदा, सहजहु कठिनहु माहिं ॥ १० ॥
 ग्यारहयों सब संत को, हाथ जोरि बतराय ।
 पहिले करै प्रणाम सब, संतन शीश नवाय ॥ ११ ॥
 बरहौं प्रभु अरु संत ढिग, बैठे जब जब जाय ।
 दूरिहु औ तिन सन्मुखौ, नहिं पावैं पसराय ॥ १२ ॥
 तेरहौं हरिगुरु संतके, ओर पायैं पसराय ।
 करै शयन कबहुँ नहीं, यदपि कठिन परिजाय ॥ १३ ॥
 चतुर्दशौं उठि प्रात नित, सुमिरै हरि गुरु नाम ।

श्रीगुरु परम्परा भनै, यही अवशि जन काम ॥१४॥
 पंद्रहयों हरिजनन को, दुखित देखि मतिधाम ।
 मूल मंत्र मुख में कहै, करै हरिहि परणाम ॥ १५ ॥
 सोरहों श्रीगुरु संत जन, हरि गाथा हरिनाम ।
 संत कथा जबलों कहै, तजै न तबलों ठाम ॥
 जो माधि में तहँ ते उठै, करै न पूजन तासु ।
 महापाप तौ शिर परै, जाकर कबहुँ न नासु ॥ १६ ॥
 सत्रहयों श्रीसंत गुरु, आवत आगू लेय ।
 जात समय कछु दूरिलों, पहुँचावै पद सेय ॥ १७ ॥
 अष्टादश सब संतको, साधारण जन केर ।
 करै न कबहुँ समानता, किहे लहै अघ टेर ॥ १८ ॥
 उनइसयों गुरु श्रेष्ठ के, लैलै ताकर नाम ।
 घर घर मांगै भीख जो, ताहि पाप वसुयाम ॥ १९ ॥
 बीसों हरि मंदिर निरखि, दूरिहिं ते मतिवान ।
 हाथ जोरि परणाम करि, मानै मोद महान ॥२०॥
 यकैसवों सुर और को, सुनत महातम नाम ।
 अन्य देव गृह ऊंच लखि, करै न विस्मय काम ॥२१॥
 बाइसयों संतन वदन, सुनि कीर्तन हरि साधु ।
 निंदा करै न सुख लहै, तेहि अघ होत अगाधु ॥२२॥
 तेइसों छाया साधुकी, नाकै नहिं मतिधीर ।
 चौविसयों छाया स्वतन, परै न साधु शरीर ॥२३॥
 पचीसयों जब पातकिन, लखै आपने नयन ।
 तब संतन के चरण को, करै परस भरि चैन ॥२४॥
 छबीसयों अपने को, जो संत करै परणाम ।
 लघु गुनि ताहि अनादरै, तौ पापी जगआम ॥२५॥

सत्ताइसयों संत को, दोष न करै प्रकाश ।
 गुणको करे प्रकाश नित, दोष कहे हठि नाश ॥२७॥
 अट्ठाइसयों संत को, चरणोदक चितलाय ।
 हरिचरणोदकहूँ पिये, दुर्जन दीठि दुराय ॥२८॥
 उन्तिसयों हरितत्त्व हत, हरिको मंत्र विहीन ।
 तिनको चरणामृत कबहुँ, पान करै न प्रवीन ॥२९॥
 तीसों हरि अनुराग युत, अरु संयुत आचार ।
 तासु चरण जल नित पिये, सो न परै संसार ॥३०॥
 यकतिसयों भगवत्जनन, गुनै न निजहि समान ।
 औरहु ते समता कबहुँ, करै नहीं मतिवान ॥३१॥
 वत्तिसयों जो पातकी, कार्य विवश छुड़जाय ।
 तौ संतन पद जल पिये, पहिरै वसन नहाय ॥३२॥
 तैंतिसयों हरिदास वर, भक्ति ज्ञान युत जेइ ।
 तिन भागवतन भक्ति जन, भगवत समगनि लेइ ३३
 चौतिसयों पापी सदन, मिलै जो हरि पद नीर ।
 पान करै सो कबहुँ नाहि, शीश धरै मतिधीर ॥३४॥
 पैंतिसयों जो शूद्र कर, संस्थापित हरि रूप ।
 ताहि सुमति पूजै नहीं, देय द्रव्य अनुरूप ॥ ३५ ॥
 छत्तिसयों तीरथहुमें, पापिन देखत माहि ।
 हरि प्रसादको पाइबो, उचित संतको नाहि ॥ ३६॥
 सैंतिसयों जो संत कोउ, देय कृष्ण परसाद ।
 एकादश आदिक व्रतन, तजै न धारि प्रमाद ॥३७॥
 अरतिसयों हरि संत को, मिलै जो कहूँ प्रसाद ।
 ताहि जूठ मानै नहीं, यही धर्म मय्याद ॥ ३८ ॥
 उन्तालिसयों संतके, निकट जो बैठै जाय ।

तौ अपने गुण गणनको, कबहुँ न वदन बताय ३९॥
 चालिस्यों जब जायकै, बैठै संत समाज ॥
 करै कोप कोहु पर नहीं, यदपि विगारै काज ॥ ४० ॥
 यकतालिस्यों जाइ जब, बैठै संत समीप ॥
 कहै साधुहीके गुणन, नहि गुण कहै महीप ॥ ४१ ॥
 बयालिसों प्रभुको करै, पूजन जन सब काल ॥
 द्वै वटिका लागि गुरुन के, वरणै गुणन विशाल ॥ ४२ ॥
 तैतालिस द्वै याम लागि, संत मंडली जोरि ॥
 हरि गुरु संतन के गुणन, वरणै प्रीति न थोरि ॥ ४३ ॥
 चौआलिस्यों देह को, जो अभिमानी होय ॥
 हरि विमुखी तेहि संग में, कबहुँ न बैठै कोय ॥ ४४ ॥
 पैतालिस्यों ठगन हित, धरै जो वैष्णव रूप ॥
 तिनको संग करै नहीं, होय यदपि ते भूप ॥ ४५ ॥
 छयालियों जे दुष्ट जन, पर दूषण रत होइ ॥
 संभाषण तिन संग में, करै सुमति नहि कोइ ॥ ४६ ॥
 सैंतालिस्यों जे कुमति, भूत प्रेत रत होय ॥
 तिनको संग करै नहीं, जानि हानि गति दोय ॥ ४७ ॥
 अरतालिस्यों हरि रसिक, साधु भागवत संग ॥
 संभाषण नितहीं करै, तजिकैं कपट कुसंग ॥ ४८ ॥
 उआसो जे जन तजै, रामकृष्णविश्वास ॥
 तिनको संग करै नहीं, संग किहेतेहास ॥ ४९ ॥
 पचास्यों जे रसिक जन, कीन्हे हरि दृढ़ नेम ॥
 तिनके संग बसै सदा, ते दायक हठिक्षेम ॥ ५० ॥
 इक्यावनो विकान जे, ललना लोभ बजार ॥
 तिनके नेह न है नहीं, रामदास युग चार ॥ ५१ ॥

वामन जो कहूँ साधु ते, लहै अनादर भूरि ॥
 तौ इठि साधुन चरणकी, धरै शीश में धूरि ॥ ५२ ॥
 तिरपनयों जो जगत्में, मानै महा गलानि ॥
 तबहि परमपद वासना, उठै मनहिं सुखदानि ॥ ५३ ॥
 चौवनयों सब साधु ते, हित राखै अभिलाषि ॥
 संतनसों अपनो चहै, हित नित चित वित माषि ॥ ५४ ॥
 पचपनयों जेहि कर्मजे, यदपि महाफल होइ ॥
 पै जो धर्म विहीन है, तौ नहिं सैवै कोइ ॥ ५५ ॥
 छप्पनयों जल फूल फल, भोजन पट अँगराग ॥
 विन हरि अरपे कबहुँ नहिं, ग्रहण करै बड़भाग ॥ ५६ ॥
 सत्तावनयों संत हरि, हित लागै जोनाहिं ॥
 मिलै जो विन माँगेहु तदपि, चित न देय तेहि माहिं ५७
 अट्ठावनों जो शास्त्र ते, वर्जित हैं अन्नादि ॥
 करै न भक्षण कबहुँ तेहि, कहै वयन नहिं वादि ॥ ५८ ॥
 उन्सठयों जो आप को, वस्तु परमप्रिय होय ॥
 सो अरपै भगवान को, विहित शास्त्रगणजोय ॥ ५९ ॥
 साठौं औरहु शास्त्र में, विहित जो वस्तु पुनीत ॥
 सोउ अरपै प्रभु को सुमति, राखि प्रीतिकी रीत ६० ॥
 इकसठयों प्रभु अर्पितै, पट भूषण अन्नाद ॥
 भोगबुद्धि तेहि नहिं करै, मानै ताहि प्रसाद ॥ ६१ ॥
 बासठयों जे शास्त्र में, लिखे कर्म बहु भांति ॥
 ते हरि सेवन मानिकै, करै सुमति दिन राति ॥ ६२ ॥
 तिरसठयों जो भागवत, हरिमंत्री हरिदास ॥
 तासु अवशि अपकार को, गुनै आपनो नास ॥ ६३ ॥
 चौसठयों जब साधुजन, निज पर होय प्रसन्न ॥